

書

乾隆丁酉夏四月欽此同年程吏部魚門朱市街鄉廩假
是二書歸抄之本地記乃戴東原先生二十餘年前流傳
之藁本也魚門先起云未定本藁已夏東原寓于洪刑東
素人先虛見其本著本地記未嘗編次置一大篋中手檢
以相示及抄得是本與東原語及東原曰是年藁本不足
存也遂出其已成之第一卷見付後五日三月廿七日而東原
卒矣檢其遺藁則皆整比彙為長編而未及外中第四
第六二冊又不知何人借去惜哉人琴俱亡矣因裝舞是

書陰沈記之今水經乃東原謂其未知地即者以其假也
俱自魚門也遂并于後六月初十日孔徑法者于書聖務

水地記

中國山川維首起於西尾終於東河水所出其地曰崑
崙之虛其山曰紫山

禹貢織皮崑崙析支渠搜西戎即叙崑崙今西番名
枯尔坤譯言崑崙也有三山曰阿克塔沁曰巴尔布
哈最西而大曰巴顏哈喇其色紫黑產金銀番語謂
黑哈喇謂富巴顏故納斯稱自山東北至西寧府界
千四百餘里唐長慶元年大理卿劉元鼎為吐蕃會
盟使使還吐蕃傳記其所經見曰由洪濟梁西南行
二千里水益狹春可涉秋夏乃勝舟其南三百里三

山中高而四下曰紫山直大羊同國古所謂崑崙也
虜曰悶摩黎山東距長安五千里河源其間流澄緩
東北直莫賀延磧尾殆五百里磧廣五十里北自沙
州西南入吐谷渾寢狹故號磧尾隱測其地蓋劔南
之西唐會要大羊同國東接吐蕃西接小羊同北直
于闐東西千里儀鳳末屬於吐蕃此所言紫山與今
巴顏哈喇符崑崙之山三成故爾雅釋邱曰三成為
崑崙邱元使求河源誤以禹貢之積石為崑崙而自
昔相傳禹本紀山海經淮南鴻烈及水經諸書所言
崑崙河源輾轉蹈襲鮮能證實史記大宛列傳張騫

使西域還為天子言于寘之西

寘闐古字通用水皆西流注

西海其東則東流注鹽澤鹽澤潛行地下其南則河
源出焉多玉石河注中國而樓蘭姑師邑有城郭臨
鹽澤鹽澤去長安可五千里鹽澤今西蕃呼羅布淖
爾在安西府西少北邊外此明言河注中國源出鹽
澤南下乃云其後騫死漢使窮河源河源出于寘其
山多玉石采來天子案古圖書名河所出山曰崑崙
云則于寘河注鹽澤者之源非騫所指注中國河源
也漢書西域傳西域以孝武時通在匈奴之西烏孫
之南南北有大山中央有河東西六千餘里南北千

餘里東則接漢阮以玉門陽關西則限以蔥嶺其南山東出金城與漢南山屬焉其河有兩源一出蔥嶺山一出于闐于闐在南山下其河北流與蔥嶺河合東注蒲昌海蒲昌一名鹽澤者也去玉門陽關三百餘里廣袤三百里其水亭居冬夏不增減皆以為潛行地下南出于積石為中國河云玉門關在故壽昌縣西百一十八里陽關在縣西六里壽昌本漢龍勒縣地今安西府西百五十里有壽昌城鹽澤去玉門陽關千三百餘里前後漢書皆脫去千字山海經雖語多荒略雜然不一其說然亦間有據依其一云敦

薨之山敦薨之水出焉而西流注于沕澤出于崑崙之東北隅實惟河源郭景純注云即河水出崑崙之湟鄯道元水經注序敦薨之水自焉耆國北逕連城渠犂南流會于闐蔥嶺水注沕澤沕澤亦鹽澤異名此同於張騫所指中國河源由鹽澤潛行地下南出殆有見于所謂星宿海者其泉千百泓散如列星疑為于闐蔥嶺千有餘里之水伏而復出歟今番人亦多言鹽澤南磧地數百里往往有小水上出成澤為潛行之徵考之禹貢於西戎舉其大者三國崑崙屬國名則所賅固不一山而中國河源所出之山最顯

著耳爾雅河出崑崙虛亦不曰山察其地勢山脈自

紫山西連犛石山今西番呼巴撒通拉木在喇撒伊

打箭爐西北三千四百八十里無又南迤西連接恒

水所出山今番語呼岡底斯者譯言羣山水根也值

百餘里餘縣互二千里皆古崑崙之虛也犛水出犛石山

與河源相去厘三百六十餘里中隔一嶺即巴顏喀

喇之嶺犛水亦呼犛牛河語之轉為麗水今名金沙

江西番呼水魯烏蘇至喀水境近雲南麗又呼布賴

楚明洪武十一年命宗泐往西番十五年還宗泐言

河源出抹必力赤巴山番人呼黃河為抹處犛牛河

為必力處赤巴者分界也其山西南所出之水則流

入犛牛河東北之水是為河源必力處即布賴楚聲

之轉也岡底斯水經注謂之阿耨達山直古且末國

南隋大業五年初平吐谷渾於且末城置且末郡唐

貞觀八年遣李靖等攻吐谷渾靖督諸軍經積石河

源至且末窮其西境水經注序阿耨達山數水其北

流者逕且末城西左會于闐蔥嶺之水入鹽澤西流

者逕于闐安息右會蔥嶺西流之水入雷翁海恒水

則南流入南海用是知由岡底斯延縣而西北抵蔥

嶺實羣山之大脊山海經西海之南流沙之濱赤水

之後黑水之前有大山名崑崙之邱此語亦有據依者之一西海漢志為僊海水經注一名卑禾羗海一名青海流沙唐書所稱磧尾赤水今之金沙江黑水今之潞江怒江亦作怒江應邵曰禹貢析支屬雍州在河關之西東去河關千餘里羗人所居謂之河曲羗司馬彪曰西羗者自析支以西濟于河首左右居也後漢書作賜支永元中迷唐率部落遠依賜支河曲涼土異物志曰古渠搜國在大宛北界據是言之河源已南唐吐蕃今西藏之境古崑崙國在焉積石已東北今青海之境古析支在焉而漢通大宛西域踰蔥嶺而

西古渠搜在焉三地大小諸國通稱西戎繫于雍州形勢蓋可得而詳也

河北之山崑崙東千里而近曰積石

禹貢導河積石其山自紫山岐分循河北岸而東積石之西紫山之東臨星宿海者曰布虎吉魯懇亦名枯尔坤山有數峰又東曰阿克塔齊欽有兩峰望之如馬耳又東曰烏藍得什南至扎凌淖尔四十里山高大頂平又東有嶺巖險多瘴氣曰牟布拉克西南至鄂凌淖尔五十里又東曰寒多嶺又東大山曰馬尼圖西南至鄂凌淖尔百二十里其崕壁有昔人刻

識又東曰碧柳圖三山

其南有山狀如牛曰阿喇克沙兒值黃河南流之東岸

又東曰密里克西至河濱八十里山有峰如屏

有山相連

安曰布又東禹貢之積石也值西寧邊外西南五百餘

里漢志金城郡河關積石山在西南羗中是也河關

故縣在今西寧府西南邊外番語謂祖阿木尼謂色

斑駁瑪勒占謂水木遜故呼積石山曰阿木尼瑪勒

占木遜其山有九峰餘互三百餘里河行山南統東

麓轉西即梁寅河源記所言河繞山之三面如玦然

其西南山值河之東曰哈爾吉東有山二峰高峻曰

阿木尼殼懇古尔板

凡曰阿木尼者皆番人所望祭大山

河西轉之左

曰烏藍芒奈有嶺北枕河曰哈爾吉盛夏積雪多瘴

氣元史地理志都實言甘思東北有大雪山多亦耳

麻不莫刺其山最高譯言騰乞里塔

番語謂天騰乞里塔者言平

坦即崑崙也山腹至頂皆雪冬夏不消此云崑崙者

誤水經注唐述山隋唐間始有小積石之目魏王泰

括地志云大積石山在吐谷渾界小積石山在枹罕

縣西北

縣今河州

元和郡縣圖志鄯州龍支縣

在今西寧府碾伯縣

南積石山在縣西九十八里河州枹罕縣積石山在

縣西北七十里又云四瀆之中河源最高從高注下

其流峻急禹貢導河積石至于龍門又曰導洛自熊

耳按洛水出上洛西山經熊耳之北所言尊者皆謂
紀所施功不必自其源也則吉甫直以小積石當禹
貢之積石而為之說此山在鄜道元注水經時尚不
名小積石而太子賢注後漢書杜佑作通典乃與李
吉甫同誤後儒以之解經至元人遂誤以大積石為
崑崙矣河之西岸青海西南三百餘里曰占尔板依
馬圖三山多羅淖尔在是山之麓東北曰蕪羅巴顏
哈喇多冷瘴山有石崖色黑其東嶺曰蘇羅嶺在青
海南少西二百餘里河北岸青海南百里有岡曰巴
尔拖羅海岡環青海十有五山番人皆呼烏尔圖青
海中小山曰龍駒島近西岸有峰曰插漢東西對峙
魏書吐谷渾傳青海周圍千餘里海內有小山每冬
冰合後以良牝馬置此山來春收之所生之駒號為
龍種吐谷渾嘗得波斯馬放入海因生驄駒能日行
千里世傳青海驄者是也隋書大業五年置馬牧于
青海渚中以求龍種無效而止

鮮水西北白龍堆沙之東曰三危是山不協禹貢之文
其名蓋後起也

鮮水今之青海番名呼呼淖尔值沙磧之東西寧府
之西肅州甘州之南積石之北漢志敦煌郡正西關

外有白龍堆沙蒲昌海西域傳鄯善本樓蘭國最在
東垂近漢當白龍堆乏水草元和郡縣圖志沙州燉
煌縣三危山在縣南三十里山有三峰故曰三危邊
衛志白龍堆在沙州衛西沙形蜿蜒如龍或十餘丈
或四三丈變改無定東倚三危北望蒲昌為極西要
路三危山在衛東南衛本漢敦煌郡考之虞夏書曰
竄三苗于三危曰黑水西河惟雍州曰三危既宅三
苗丕叙曰華陽黑水惟梁州曰導黑水至于三危入
于南海河既行積石之南東北屈曲過雍州之北折
南左右冀雍之間為龍門西河南抵華陰而河所出

山自枯尔坤西南接岡底斯西北為于闐南山直抵
蔥嶺則河北之水不得絕之而南以入南海今所謂
三危山者其下亦無水逕通禹貢之黑水三危不在

河北甚明屈原賦天文篇曰黑水玄趾三危安在今
河源之西南三百餘里為金沙江之源又東南五百

餘里為潞江之源四周大山中平野有澤曰布哈淖

爾里為額尔机根淖尔又東北流之東其水西北流百

爾轉而東南百五十餘里為哈喇淖尔水色深黑故

西番名是水曰哈喇烏蘇潞江自發源即成池三皆

番語謂黑哈喇謂水烏蘇其所經之地歲久名湮無從證實耳崑崙析支禹貢

北迤東曰嘉峪

于雍州言之此水導源三池去河源金沙江源不遠
三源歧置如野足皆在岡底斯東北然則雍之西南
境至此水上游梁之西境至此水可無疑也左氏春
秋王使詹桓伯辭於晉曰先王居禱杻于四裔以禦
螭魅故允姓之姦居於瓜州瓜州漢敦煌也允姓所
居在瓜州三苗所居在三危後世失傳而一之因命
一山為三危而禹貢三危久沒于西戎周人已莫能
言其處瓜州直析支西北三危蓋值崑崙東嶽

山在今肅州西七十里山之西麓即嘉峪關讀史方

輿紀要云國初收河西地西抵玉門北至沙漠而仍
以嘉峪為中外巨防

弱水所出山曰窮石

淮南子言弱水出窮石漢志張掖郡刪丹桑欽以為
導弱水自此西至酒泉合黎許叔重說文解字岷山
或曰弱水之所出而十六國春秋又謂之蘭門山括
地志蘭門山一名合黎一名窮石山在刪丹縣西南
七十里以弱水所出山兼有合黎之目蓋誤

北迤西曰合黎

禹貢導弱水至于合黎其山在今甘州府北四十里

西北至高臺縣石峽口延袤三百里石峽口在鎮夷城西北七里亦名羗谷口漢志之羗谷水今呼張掖河俗呼黑河蓋弱水之別源鎮夷城東南至高臺縣百二十里縣舊為高臺所陝西行都司志云黑河在高臺所北二百步在鎮夷城西四里又云傍合黎山出羗谷口北入亦集乃界元有亦集乃路在甘州東北千五百里其東北大澤即居延澤也

河湟之北大山曰祁連山

山在今肅州南百六十里張掖縣西百里之黎園堡南九十里西河舊事祁連山在張掖酒泉二郡界上

東西一百餘里南北百里有松栢五木美水茂草山中冬溫夏冷宜牧放牛羊充肥乳酪美好焉者山東西百餘里南北二十里水草茂美宜畜牧與祁連同匈奴失祁連焉者二山乃歌曰亡我祁連山使我六畜不蕃息失我焉者山使我婦女無顏色焉者一作焉支元和郡縣圖志甘州張掖縣今甘州祁連山在縣西南二百里刪丹縣元以後作山丹今屬甘州府西至府百二十里焉支山在縣東南五十里今縣東四十里曰石峽堡山在新河堡南五里石峽唐書吐谷渾傳湟水至濛谷抵龍泉與堡南八里河合故舉世謂西戎地曰河湟元史地理志朱思本

曰湟水自祁連山下正東流千餘里注浩疊河與黃河合

踰緒野之南河西大山曰賀蘭山

山在今寧朔平羅寶豐三縣西界元和郡縣圖志靈

州保靜縣在今靈州東北賀蘭山在縣西九十三里

山有樹木青白望如駸馬北人呼駸馬為賀蘭故名

其山與河東望雲山形勢相接迤邐向北經靈武縣

在靈州又西北經保靜西又西北經懷遠縣西縣即

夏府又北經定遠城西城在新渠縣北又東北抵河

其抵河之處亦名乞伏山從首至尾有像月形南北

約長五百餘里真邊城之鉅防山之東河之西有平

田數千頃可引水灌溉如畫收地利足以贍給軍儲

也宋景祐以後西夏據有其地建宮山上山徑五十

餘所寧朔縣西南赤水口尤屬要路可容千馬平羅

縣北四十里打磴石為山後要路漢志武威休屠澤

在東北古文以為緒壑澤姑臧南山谷水所出北至

武威入海今涼州府鎮番縣北有武威故城水經注

云在姑臧城北三百里姑臧即今武威縣東北至鎮

番縣二百里陝西行都司志姑臧南山在涼州衛西

南百二十里雪山在永昌衛南百八十里與涼州南

與河東望雲山

相連炎夏積雪不消亦名祁連山涼州衛今為府永昌衛今為縣東南

至府百六十里今考祁連延袤千里自酒泉張掖至此山勢

相接本一山之所盤迴今寧夏有侍郎通智河源叙

碑刻其文云臣通智等奉命西行用繩丈路儀器測

量沿河繞行徧歷河源並金沙江鴉蘆江浪滄江怒

江等源過西藏三千里抵恒河源而回巴顏哈喇山

在西寧邊外千四百五十六里形勢自金沙江源至

此從此枝分其向西北而下者為三危等山統沙州

安西等處抵嘉峪關直達喀尔喀地在準噶爾之東黑龍江之西鄂

羅斯國之南東向而下者分隔黃河北西海南至西

寧向北而下者至阿木尼額庫山在青海西二百里循西海

北邊盤旋大通河源即浩疊水元史地理志朱思本

南流七百餘里注湟水為甘肅涼之祁連合黎龍首焉支等山

龍首山在山丹縣西重巒相接抵寧夏為賀蘭山其

向東南已下者沿黃河南岸統至洮河源西傾山分

枝四布抵階文松潘散為大小諸山此所序于形勢

脈絡大致不爽

北河之北高關東曰陰山

河行三受降城之南謂之北河河北大山隨地易名

下至高關為塞秦始皇三十三年西北斥逐匈奴自

榆中徐廣曰在金城今蘭州徐廣曰在金城今蘭州並河以東屬之陰山日在

五原北五原故城以為三十六縣城河上為塞又使

蒙恬渡河取高關陶山在今歸化城南百六十里北假中裴駰云

方田官主以田假與貧人故云北假築亭障以逐戎人漢書竟寧初呼

韓邪願保塞因議罷邊備塞吏卒郎中侯應曰北邊

塞至遼東外有陰山東西千餘里草木茂盛多禽獸

本冒頓依阻其中治作弓矢來出為寇是其苑囿也

孝武出師征伐斥奪此地攘之於幕北建塞徼起亭

隧築外城列屯戍以守之然後邊境得用少安幕北

地平少水草多大沙匈奴來寇少所蔽隱從塞以南

徑深山谷往來差難邊長老言匈奴失陰山之後過

之未嘗不哭也水經注河水屈而東流為北河漢武

帝元朔二年大將軍青絕梓嶺梁北河是也東逕高

關南山下有長城長城之際連山刺天其山中斷兩

岸雙闕善能雲舉望若闕焉即狀表目故有高關之

名也自關北出荒中關口有城跨山結局謂之高關

戍自古迄今常置重桿以防塞道自高關以東夾山

帶河陽山以往皆北假也陽山在鐵柱谷西北二百

六十里南至黃河鄂尔多斯界五十始皇三十三年

起自臨洮東暨遼海西竝陰山築長城晝警夜作民
勞怨苦故楊泉物理論曰秦始皇使蒙恬築長城死
者相屬民歌曰生男慎勿舉生女哺用舖不見長城
下尸骸相支柱其寃痛如此矣舊唐書高闕北距大
磧口凡三百里元和郡縣圖志三受降城景雲三年
張仁愿所置先是朔方軍北與突厥以河為界河北
岸有拂雲堆神祠突厥將入寇必先詣祠祭醑求福
因牧馬料兵而後渡河時突厥默啜盡衆西擊突騎
施婆葛仁愿奏請乘虛奪取漠南之地於河北築三
受降城首尾相應絕其南寇之路從此六旬而三城

俱就以拂雲祠為中城與東西兩城相去各四百餘
里遙相應接北拓三百餘里於牛頭牟那山北置烽
埃千八百所自是突厥不得度山放牧朔方無復寇
掠減鎮兵數萬人西受降城東南渡河至豐州八十
里北至磧口三百里中受降城北至磧口五百里故
本古城在中城北四十里鄭度軍錄曰時人以張仁
愿河外築三城自古未有今故本城周萬八百七十
二步濠塹深峻亦古之堅守賈耽古今述曰以地理
求之前代九原郡城也東受降城東北至朔州四百
里北至磧口八百里今考唐開元二年移安北都護

府治中受降城貞觀二十一年鐵勒回訖等十三部
都護府其東置翰海都護府分領羈縻府州龍朔三年改燕然都護府為翰海移置于磧北回紇部落而
徙翰海都護府於雲中古城號雲中都護磧以北海州悉隸翰海南隸雲中總章二年又改翰海都護府
為安置屯田二十一年置朔方節度使於靈武三受
降城皆屬焉天寶初王忠嗣置振武軍於東受降城
東百餘里本漢成樂縣東南去今大同府三百餘里
賈耽古今述云振武城在朔州北三百五十里續通
典云其地據陰山之陽黃河之北其北七十里有黑
沙磧是也天寶八載朔方節度使張齊邱於木刺山
築城號橫塞軍以郭子儀為軍使胡語謂之可敦城

東去中受降城二百餘里十二載安思順奏廢軍請
於大同川西築城改名天安軍即隋大同城故墟薛
詰永清柵即隋大東去木刺山二十里去中受降城
二百二十里西少北去西受降城百八十里乾元中
復西南移四里寄治永清柵柵木開元號天德軍元
和六年李絳言振武天德左右良田萬頃請擇能員
開置營田可以省費足食於是詔以韓重華為振武
營田和糴水陸運使起代北墾田三百頃連二歲大
熟請益募人為十五屯屯置百三十人而種百頃令
各就高為堡東起振武轉而西過雲州界極於中受

降城出入河山之際六百餘里屯堡相望寇來不能
為暴人得肆耕其中少可以罷漕輓之費朝廷從其
議列柵十二壑田三千八百餘頃歲收粟四十萬餘
石既而請益開田四千頃則盡可以給塞下五城武振
天德靈武鹽議格不行元和七年河溢西受降城南
夏五城之軍面多毀壞八年振武師李光進請修城兼理河防李
吉甫請移治於天德軍北城李絳盧坦以為舊城當
磧口據虜要衝得制匈奴上策又豐水美草邊防所
利今避河患退二三里可矣柰何捨萬代以安之策
為一時省費之謀况天德故城僻處确瘠去河絕遠
烽候警急不相應接虜忽唐突勢無由知是無故而
威二百里也城使周懷義奏利害與絳坦同上卒用
吉甫策九邊考自陰山而北皆大磧磧東西數千里
南北亦數千里無水草不可駐牧中國得陰山則乘
高一望寇出沒踪跡皆見必踰大蹟而居其北去中
國益遠故陰山為禦邊要地陰山以南即為漠南彼
若得陰山則易以飽其方而內犯此秦漢唐都關中
必逾河而北守陰山也

河曲外曰綠胡山

山在歸化城之西河水西來觸山麓折而南漢志雲

中郡栢陵其故城在歸化城之西河東為緣胡山在

西北水經河水又東過雲中栢陵縣南又東過沙南

縣北從縣東屈南過沙陵縣西鄜道元注云河水南

入栢陵縣西北緣胡山歷沙南縣東北兩山二縣之

間而出余以太和中為尚書郎從高祖北巡親所逕

涉縣在山南北去雲中城百二十里縣南六十計里

有東西大山山西枕河河水南流脈水尋經殊垂川

去之次似非闕究也

汾水所出曰燕京之山桑乾水所潛也

山在寧武縣西南四十里漢汾陽縣地山之盤踞隨

地異名曰管涔山曰樓子山曰蘆芽山漢志太原郡

汾陽故城在今陽曲北山汾水所出水經注云山海

經管涔之山汾水出焉十三州志曰出武州之燕京

山亦管涔之異名也其山重阜倚巖有草無木泉源

導於南麓之下蓋稚水濛流耳今泉源所出曰樓子

里又云桑乾水潛承太原汾陽縣北燕京山之大池

池在山原之上世謂之天地方八里餘其水陽燠不

耗陰霖不濫無能測其淵深也古老相傳言嘗有人

乘車于池側忽過大風飄之於水有人獲其輪于桑

乾泉故知二水潛流通注矣池東隔阜又有一石池

今名元池在天池東七里許

方可五六里清深鏡潔不異天池元

和郡縣圖志云靜樂縣本漢汾陽地管汾山在縣北百三十里天池在縣北燕京山上後魏孝文帝以金珠穿魚七頭放此池後亦于桑乾泉得之

汾西河東自燕京別而南離石水所出口梁山

山在今永寧州東北百三十里東接交城縣界北連

赤碛嶺接嵐縣界西踰谿谷為臨縣一名呂梁禹貢

冀州既載壺口治梁及岐舊說云壺口在冀州梁岐

在雍州從東循山治水而西蘓子瞻云梁岐二山在

雍州今于冀言之者因河而言非以二山為冀州之

地也魯彥和云壺口梁岐一役也其施功皆同時不可

分言于二州故併言于冀也王伯厚困學紀聞云治

梁及岐苦從古注則雍州山距冀州甚遠閻百詩云

口止隔一河耳不得謂甚遠考伯厚之言乃以自梁

及岐其東西相去甚遠不當偏舉一梁山議其語有

滲壺口太原不相涉鼎以道用水經注以為呂梁旅

岐鼎氏王氏之說是也考禹貢之文自西而盡于東

故先壺口以見龍門西河就治而次梁岐次太原岳

陽次覃懷次衡漳或舉山或舉地梁岐之西水歸於

河梁岐之東水歸于汾此二山為汾川以西羣山自

見汾東之地就治岳陽在汾東沁西覃懷在沁東而南近河衡漳則漳水過臨漳而入河北注觀此數語冀州所宜治者全具于是不得謂壺口一役兼及河西雍州也况韓城之梁山雖近河而謂北之岐山遠隔在漆沮涇水之西誠使越漆沮涇水至乎岐下則雍州自渭以北所當治者幾于備舉又于雍州言涇屬渭汭漆沮既從荆岐既旅此三語為複文矣禹貢先分九州後復統記山川分者定其疆域合者見其條貫獨于發端之始以雍州山隸冀州何取乎先分後合示人以截然有限域者乃復淆紊其間歟然謂

禹貢梁岐即今永寧州之呂梁孝義縣之狐岐亦有未盡如淮出桐柏渭出鳥鼠後人舉其枝山曰淮出胎簪渭出南谷蓋古者統以一名後人徃徃隨地殊稱今考赤碭孝文呂梁劉王岢諸山實一山之所盤迴薛頡狐岐高堂玉泉諸山亦一山之所盤迴禹貢之梁岐統名也今之呂梁狐岐特其中之一耳蔡仲默書集傳亦取晁氏說而援據悉謬近閻百詩胡拙明皆深于考訂者咸謂蔡傳為非固失在蔡氏不在晁氏以道蔡傳一引爾雅左氏穀梁證晉山宜屬冀州蔡傳云爾雅梁山晉望即冀州呂梁也春秋梁山崩左氏穀梁皆以為晉山則亦指呂梁矣不知

春秋時自魯文公十年晉人伐秦取少梁梁山由是
入晉迨後三晉既分自河以西瀆于洛猶屬魏地少
梁之梁山實河西大山故晉望祭之列國所望祭山
川及晉河東望祭之山爾雅絕不一言而獨曰梁山
晉望也正以河西近秦故特表之成公五年梁山崩
壅遏河三日不流晉君召伯宗而問焉皆非離石呂
梁一引呂覽蔡傳云呂不韋曰龍門未闢語出尸子
淮南鴻烈亦襲之所稱呂梁未鑿雖後人失其所在
而離石縣之呂梁西距河百五十餘里隔越重山不
瀆于河無事疏鑿也一引酈道元水經注蔡傳云酈道元謂呂

梁之石崇竦河流激盪震動天地此為禹治壺口乃治梁也

其本文云河水左合

一水出善無縣故城西南八十里

善無故城在今朔平府右王縣南

西流歷于呂梁之山而為呂梁洪其巖層岫衍澗曲

崖深巨石崇竦壁立千仞河流激盪濤涌波襄雷奔

電洩震天動地昔呂梁未闢河出孟門之上蓋大禹

所闢以通河也司馬彪曰呂梁在離石縣西今干縣

西歷山尋河乃無遏阻至是為河之巨險即呂梁矣

在離石北以東可二百有餘里後人以河曲縣西南

二十五里之天橋峽為道元所謂呂梁洪就水經注

自北而南之次考之地望適協其地有禹鑿之跡河

自故東勝州境轉而西南流八十里至河曲縣西北
轉而西流九十里逕天橋峽下至保德州西五十里
折而南逕興縣西又南百七十里至臨縣界道元言
呂梁洪在離石北以東可二百餘里蓋據河至離石
縣界為言因西流乃轉南故曰以東其指天橋峽無
疑司馬彪言呂梁在離石縣西者即今永寧州北之
呂梁徒因離石縣有呂梁山而河行離石之西故云
在縣西實未深考之言道元引而辯之則以離石西
界河無過阻故溯流而上以求其地是道元以尸子
呂覽淮南所言呂梁不在離石而遠在其北也蔡氏
援以證呂梁在離石正與其說相刺謬宜乎百詩拙
明不之取耳

黃樞之南勝水所出曰岐山

黃樞嶺在汾陽縣西六十里永寧州東百有五里東
魏武定中齊獻武出北道度赤碭嶺斛律金為南道
軍司繇黃樞嶺出與之會前代嘗置関嶺上憑高為
固岐山在孝義縣西百里一名狐岐西接寧鄉縣界
北連薛頡嶺接汾陽縣界其南坳曲間曰盤重原原
東谿澗俗呼曰北川東入勝水由原左轉連岡而南
曰高唐山東北距孝義縣治七十餘里其南麓谿澗

俗呼南川逕故六壁府北東入勝水唐武德二年置
高唐縣以山氏縣又連岡而南迤東曰玉泉山東北
距縣治六十餘里山之東北麓谿澗俗呼左水者是
為勝水逕故六壁府南又東合南北二川自薛頡至
玉泉實一山盤屈而下古通謂之岐山蔡仲默書集
傳言岐山在介休縣取山海經狐岐之山勝水出焉
而東北流注于汾水者綴其下又引酈道元水經注
蔡傳岐山在今汾州介休縣狐岐之山勝水所出東
北流注于汾酈道元云後魏于狐岐置六壁防離石
諸胡因為大鎮今六壁城在按之本文乃云勝水西
勝水之側實古河逕之險阨

防離石諸胡因為大鎮勝水又東合陽泉水川即南又

東逕中陽故城南又東合文水文水又東南入于汾

中陽故城即孝義縣治是山海經水經注之狐岐在

今孝義縣西宋熙寧五年省孝義入介休元祐元年

復置孝義縣至仲默時已為金地無所廢置當據元

祐以後言在今汾州孝義縣不當據前此熙寧元豐

十餘年間繫之介休也今介休東南洪山俗以為狐

隔越汾水無所謂六壁其下言今六壁城在勝水之

側實古河逕之險阨意以六壁城為防守西來渡河

而東之津要不知北魏初河東岸離石吐京之地萬

山簇擁悉匈奴五部餘衆所居憑恃山險未能即平
至狐岐以東汾川左右地勢坦平連接太原本漢太
原郡地故于此置六壁立為鎮戍以防狐岐以西黃
河以東山寇西距黃河二百餘里不可謂為河逕之
險阨吕梁狐岐之西始為今臨縣永寧州及寧鄉石
樓山在四州縣之東而蔡氏云二山河水所經治之
所以開河道也將置此四州縣峻峰鉅嶺萬山簇擁
者于何地乎然山海經言勝水注于汾而水經注言
注文水則因汾川東西轉徙驗之近事數年以前原
公水以下諸谿澗皆自達汾水不與水經注協今則
皆入文水一如道元所見余以己丑年遊其地登呂
梁黃櫨薛頡狐岐及汾東繇山親所經見乃恍然于禹
貢之文惟壺口屬治河餘則治汾沁漳潞暨其間諸
山澗谿谷閻百詩尚書古文疏證云壺口在吉州西
七十里與河津縣西北三十里之龍門相連河津縣
之山與壺口山中
隔鄂水不為相連與隔河之梁山對峙經文遂連類
而書實有出于某州某山常例之外者胡肫明禹貢
錐指云治梁所以終壺口之事除河患也其遂及岐
者何蓋治梁已畢若身遽渡河而東則東方之事正
多不能速還治雍當在數年之後而梁岐之間其於

帝都事勢當日必有甚切而不容緩者故治梁之餘
乘便施功及岐而止又洪水初平艱食未奏冀田廛
第五等而梁岐之間去帝都最近田既膏腴轉輸又
便禹甸梁山之野通渭水之漕其為帝都艱食計也
切矣及岐而止者蓋岐西地高仰洪水不為災而東
方事急亦無暇西略故也二君咸申舊說以梁岐為
雍州山夫禹貢先分別九州初非于其間又牽合治
水之先後緩急也使冀州施功西兼及雍且遠踰漆
沮涇水而西不啻大半治之則南亦可兼及豫東亦
可兼及兗豈無相連之勢施功同時者乎至推言雍

便輸論益密而益鑿矣

西望孟門來東河流曰壺口

山在吉州西南七十里河西則陝西宜川縣東南二
十里之孟門山也漢志河東郡北屈禹貢壺口山在
東南今州東北有北屈故城然則山當在其西南作
東南誤也水經注河水南逕北屈縣故城西四十
里有風山上有穴如輪風氣蕭瑟習常不止當其衝
所略無生草風山西四十里河南孟門山河至此也東故謂右
岸為淮南子曰龍門未闢呂梁未鑿河出孟門之上
大溢逆流無有邱陵高阜滅之名曰洪水大禹疏通

謂之孟門孟門即龍門之上口也實為黃河之鉅阨
此石經始禹鑿河中漱廣夾岸崇深傾崖返捍鉅石
臨危若墜復倚其中水流交衝素氣雲浮往來遙觀
者常若霧露沾人窺深悸魄其水尚崩浪萬尋懸流
千丈渾洪鼎怒鼓若山騰濤波頽壘迄于下口元和
郡縣圖志汾川縣故城在今宜川縣東七十里黃河在縣北七里
河岸頓狹狀似槽形鄉人呼為石槽蓋禹治水鑿石
導河之處石槽長十步闊三十步懸水奔流鼉鼉魚
鼉所不能游

汾水之左自燕京別而東南漳水所出曰火山

山在樂平縣西四十里其南谷曰大要谷東北距縣
治二十五里沾水出沾嶺東入滹沱同過水出陡泉
嶺西入汾皆火山北嶺也山海經火山清漳之水出
焉淮南子曰清漳出揭戾山高誘注山在沾縣漢志
上黨郡沾大要谷變古腰字謫作龍者非清漳水所出說文清
漳出沾山大要谷今樂平縣西南三十里有沾縣故
城水經注清漳出沾縣故城東北俗謂之漳山其山
亦曰鹿谷山水出大要谷南流逕沾縣故城東元和
郡縣圖志太原府樂平火山一名河逢山在縣西南
三十里

右轉歷轅武而西少水所出曰謁戾之山少水者沁水也

轅山在和順縣西北百二十里武山在縣西百二十里轅水出轅山武鄉水出武山皆南入漳二山判分如八字寰宇記謂之八賦嶺西北至榆次縣亦百二十里山北之水入于同過水謁戾山在武鄉縣西百二十里西北接祁縣平遙縣西南接沁源縣一名麓臺山迤邐而西為絳山其北為介休縣西為靈石縣皆謁戾山也山海經謁戾之山沁水出焉漢志上黨郡穀遠羊頭山世靡谷沁水所出水經沁水出上黨

涅縣謁戾山元和郡縣圖志沁州縣上縣本漢穀遠縣地羊頭山一名謁戾山在縣東北五十里沁水所出寰宇記謁戾山一名麓臺山今武鄉縣西五十五里有涅縣故城沁源縣城南有穀遠故城縣北有絳上故城

沁西彘水所出曰霍山是為太岳中岳也

周官經冀州其山鎮曰霍山晉語宰孔曰景霍以為城而汾河涑澮以為淵山在今霍州東南三十里岳陽縣北九十里趙城縣東北四十五里沁源縣西七十八里北接靈石南抵洪洞山延袤八十里高百餘

文漢志河東郡彘霍太山在東今霍州即故彘縣水經注汾水又南與彘水合水出東北太岳山禹貢所謂岳陽也即霍太山矣讀史方輿紀要去霍山崎嶇險峻界并晉二州之間實控扼之要

歷東陘而南曰析城

東陘山在翼城縣東北六十五里沁水縣西北四十里一名黑水嶺宇文周改曰烏嶺嶺東之水入于沁嶺西之水入于汾澮析城山在陽城縣西南七十里漢志河東郡濩澤禹貢析城山在西南今縣西三十里有濩澤故城水經注天井水出東陘山西南北有

長嶺嶺上東西有通道即鉏蹬也上澗水歷析城山北山在濩澤南禹貢所謂砥柱析城至于王屋也山甚高峻上平坦下有二泉東濁西清左右不生草木數十步外多細竹元和郡縣圖志澤州陽城縣析城在縣西南七十五里濩澤在縣西十二里寰宇記山頂有湯王池俗傳湯旱祈雨于此今池四岸生龍鬚綠草無林木

迤東沈水所潛曰王屋

山在陽城縣南八十里東至濟源縣亦八十里西南至垣曲縣百里漢志河東郡垣禹貢王屋山在東北

沅水所出今垣曲縣東北二十里有故垣城括地志
沅水出王屋山頂岷下石泉停而不流其深不測既
見而為伏至濟源縣西北二里平地其源重發李濂
遊濟瀆記云舊記濟水出王屋山頂太乙池伏流地
中東行九十里復見于此其太乙池今亦涸矣
自東陘別而西沅水所出山曰清野

山在聞喜縣東南九十里俗呼小橫嶺東北接絳縣
南四十里之大橫嶺東接垣曲縣西北八十里之清
蘆山實一山也水經注沅水出清野山世人以為清
襄山也清水出清蘆山之西嶺世亦謂清營山

又西南曰薄山

山在夏縣東南垣曲縣西亦曰中條山山北為安邑
解州虞鄉永濟南為芮城一名襄山史記封禪書薄
山襄山也徐廣云蒲坂縣有襄山今蒲州府倚郭永
濟縣城東南有蒲坂故城水經注云涑水逕安邑故
城西城西南有鹽池上承鹽水水出東南薄山西北
流逕巫咸山北又云永樂澗水北至于薄山南流逕
河北縣故城西又云河水左合一水其水三源疏引
俱導薄山南流會成一川其三水之內世謂之閼原
今夏縣東五里有巫咸山縣西北十五里有安邑故

城鹽池在今安邑縣西五里解州東三里河北故城
在芮城縣東北里許閑原在平陸縣西十五里地志
分雲嶺在安邑縣西南四十里接平陸縣界中條山
最高處也橫嶺在解州東二十里跨安邑平陸二縣
界舊自安邑運鹽車由此視虞坂較近而徑險難行
其南通芮城曰耳汭嶺分雲嶺西二十里曰五龍谷
北至州城五里又西二十六里接虞鄉縣界又西二
十里曰王官谷分雲嶺東北為虞坂南達平陸北通
安邑東入夏縣界坂東為巫咸頂在夏縣東南五里
又東北三十五里接聞喜縣界山之南芮城縣北十
五里山陰石磴名百二十盤東接平陸縣界四十五
里山狹而長西華嶽東太行此山居中故曰中條
西抵河曲中雷水所出曰首山是為雷首

山在永濟縣南漢志河東郡蒲反雷首山在南水經
注河水逕雷首山西山臨大河北去蒲坂三十里尚
書所謂壺口雷首者寰宇記首陽山即雷首山南阜
也

自轅武侯甲左轉凍水藍水潞水所出曰發鳩之山
侯甲嶺在武鄉縣西北百里侯甲水出焉西北入于
汾湟水出焉東南入于潞水經注胡甲山有長坂謂

之胡甲嶺即劉歆遂初賦所謂越侯甲而長驅者也
蔡邕曰侯甲亦邑名也在祁縣發鳩山在今長子縣
西南五十餘里高平縣西北五十里一名鹿谷山一
名廉山北接盤秀嶺所謂發鳩之谷也嶺在屯留縣
西南八十四里亦曰鹿瀆山山之西水入于沁山之
東水歸于潞周官經冀州其川漳其浸汾潞後人以
漳為清漳潞為濁漳漢志上黨郡長子鹿谷山濁漳
水所出說文涑水出發鳩山水經注漳水出麓谷山
與發鳩連麓而在南淮南子謂之發苞山絳水出穀
遠縣東發鳩之谷謂之濫水東逕屯留縣故城南東
北流入于漳故桑欽云絳水出屯留西南東入漳魏
書地形志長子縣有廉山濁漳出焉寄氏縣有盤秀
嶺藍水出其南北流合濁漳今長子縣城西有故長
子城屯留縣西十里有故屯留城縣西南七十里有寄
氏故城桑欽所稱絳水漢志載其說今本譌作入海
後人多以此水附合禹貢之降水非也此即藍水耳
寰宇記長子縣鹿谷山冀州圖云山在縣西有大道
入壺口東出達襄國壺口關在長治縣東南十六里西登奚斯鉅嶺
以達河東陁阻千里

其南沁水東丹水西曰太行

山在鳳臺縣南三十里河內縣北二十里山脈北連
發鳩西以沁水為界東以丹水為界昔人謂太行連
亘河北諸州非也漢志河內郡陜王太行山在西北
上黨郡高都莞谷丹水所出東南入泣水有天井關
陜王即今河內縣高都故城在鳳臺縣東北天井關
在縣南值羊腸坂之北左氏春秋齊侯為二隊入孟
門登太行孟門丹水所經在鳳臺縣東三十五里所
謂殷紂之國左孟門右漳滏是也戰國策范雎曰北
斷太行之道則上黨之師不下金史地理志濟源縣
有太行山以沁水為界西為王屋東為太行考河北
八徑起西南迤而東北一曰軹關陜在濟源縣西北
十五里當軹道之險史記蘇秦說趙曰秦下軹道則
南陽危是也縣南十三里有軹縣故城次二曰太行
陜在河內縣西北一名丹陜當羊腸坂之險蔡澤所
謂決羊腸之險塞太行之口酈食其所謂杜太行之
道者也元和郡縣圖志懷州河內縣太行陜在縣西
北二十五里闊三步長四十里羊腸所經瀑布懸流
實為險隘次三曰白陜在輝縣西五十里接修武縣
界或言白陜在解州東南十五里水經注鹽池山海
經鹽販之澤也澤南面層山天巖雲秀地谷淵深左

右壁立間不容軌謂之石門路出其中名之曰徑南通上陽北暨鹽澤元和郡縣圖志解縣通路自縣東踰中條山出白徑趨陝州之道也此徑舊志無作徑者不必列為八徑之一次四曰滄口徑在武安縣南三十里與磁州接界元和郡縣圖志磁州滄陽縣鼓山亦名滄山在縣西北四十五里滄水出焉泉源奮涌若滄水之湯故以滄口名之八徑第四曰滄口徑山嶺高深實為險阨讀史方輿紀要云滄口為自鄴西出之要道次五曰井陘在井陘縣東北五十里與獲鹿縣接界李左車謂井陘之道車不可方軌騎不

得成列者也呂氏春秋九塞之一元和郡縣圖志獲鹿縣井陘口今名土門口在縣西南十里次六曰飛狐陘在廣昌縣北二十里路達宣府大同商旅畢集水經注祁夷水東北得飛狐谷即廣野君所謂杜飛狐之口也魏土地記曰代城南四十里有飛狐關元和郡縣圖志蔚州飛狐縣飛狐道自縣北入媯州懷仁縣界即古飛狐口也次七曰蒲陰陘在易州西八十里亦日子莊關西南去廣昌縣百里趨宣府大同並四百七十里凡小大隘口百有五所水經注子莊溪水北出子莊關是也宋謂之金陂關金名紫荆關

次八曰軍都陁在昌平州西北四十里南口城去州二十五里自南口而上山夾一澗十五里為關城又八里為上關有小城又十七里至八達嶺下視居庸關勢若建瓴元人以此為居庸北口嶺北至延慶州三十三里呂氏春秋九塞之一也漢志上谷郡居庸有關居庸故城在今延慶州東水經灤餘水出上谷居庸關東注云關在沮陽城東南六十里居庸界故關名矣其水導源關山南流歷故關下谿之東岸有石室三層其戶牖扇扉悉石也蓋古關之候臺矣南則絕谷累石為關垣崇墉峻壁非輕功可舉山岫層

深側道褊狹林障邃險路才容軌曉禽暮獸寒鳴相和羈官遊子聆之者莫不傷思矣其水歷山南逕軍都縣界又謂之軍都關續漢書曰尚書盧植隱上谷軍都山是也其水南流出關謂之下口水流潛伏十許里軍都山在今昌平州西北二十里懷來縣南五十里北齊改居庸關曰納款關唐十道志居庸關亦名薊門關軹關之山與太行中隔沁水其山脈來自太岳白陁之山與太行之中隔丹水其山脈自發鳩別而東井陘滏口之山與白陁中隔漳水其山脈自清漳之源沾嶺別而東飛狐蒲陰之山與井陘中隔

滹沱其山脈來自北岳軍都之山與蒲陰中隔桑乾水其山脈自大同府之外陰山別而東太行之名有顯著故稱太行八陁爾雅山絕陁蓋兩山中絕以成隘道也元和郡縣圖志引述征記曰太行山首始於河內北至幽州凡有八陁後代史志地記多本其說於軹關已北軍都已南諸山槩以太行其亦不達於理矣

水地記

沅水出原虛東流為濟水故瀆東迤南入于河

濟水有二源東源在濟源縣西北二里有濟瀆廟其西二里為西源俗呼龍潭潭之東北廟西有古原城遺址左氏春秋富辰所言原文之昭是其故虛也漢志河東郡垣禹貢王屋山在東北沅水所出東南至武德入河垣縣故城在今垣曲縣東北二十里王屋山在今濟源縣西八十里西南去垣曲縣七十里北去陽城縣八十里為三縣接境括地志云沅水出王屋山頂岷下石泉澗而不流其深不測既見而伏至

濟源縣西北二里平地其源重發而東南流元和志云濟水在濟源縣東北三里有二源東源周圍七百步其深莫測西源周圍六百八十五步深一丈皆繚之以周牆李漁遊濟瀆記云濟瀆廟後有池是為東為西池周如東池舊記濟水出王屋山頂大乙池伏流地中東行九十里復見于此其太乙池今亦涸矣劉漪西源辯曰濟水二源舊志唯一在廟垣石橋為界按水經注二源一在界遂分東西而謂二源俱在是殊遠不可以一橋之界矣池西二里又有一源舊稱為龍潭時出時沒不關水旱下流經濟廟又云王屋山在王屋縣北十五里唐之王屋縣北魏邵郡葭平縣也北周改曰王屋懷州治焉元并入濟源縣禹貢

導沆水東流為濟蓋泉源初出名沆水也今垣曲縣東十里有濟源山地志以濟水出山之陽水經注之東沆水也西源先合是水乃經原城南東源南流與之會故酈道元又目東源為北水而禹貢析城山在陽城縣西南七十里山下有池其深莫測亦相傳與濟瀆潛通以濟水伏流故析城王屋池泉咸歸之濟矣陽城縣西三十里獲澤城漢縣也北魏東徙唐天寶初改曰陽城沆水東南流濟源縣南枝津右出入于澳沆水故瀆又東南經河內縣西南縣本漢河內郡郡野王衛元君角自濮陽徙野王者也晉為河內郡

治北魏為懷州治隋改縣曰河內元改州為懷孟路
延祐中曰懷慶路明為懷慶府府西南三十二里絺
城濟水經其北左氏春秋王與鄭人蘇忿生之田絺
其一也後漢志河內郡汲有絺城元和志濟水經河
內縣西南去縣三十里是也濟沆之名為川流互稱
濟水又東南經溫縣西南漢故城在今縣西南三十
里濟水經其北今縣即李城也濟水又東南後代穿
渠徑通故瀆水斷不可復尋鄴道元于河水章成臯
大伾山云鄭康成曰地喉也沆出伾際矣在河內修
武武德之界濟沆之水與滎播澤出入自此今濟水
自溫縣入河所入者奉溝耳即濟沆之故瀆矣于沁
水章沙溝云先儒亦咸謂是溝為濟渠故班固及關
駟竝言濟水至武德入河蓋濟水枝瀆條分所在布
稱考沁水枝津自枋口南出為朱溝枋口堰舊以木
為門枋魏典農中郎將司馬孚易以石亦曰石門堰
隋盧賁唐溫造俱于此開渠資溉亦名廣濟渠元中
統三年更為分水渠凡四溉濟源河內河陽溫武陟
五縣民田三千餘頃互五百餘里達于河蓋因朱溝
相繼營造也朱溝水東南流右出為奉溝其水自今
懷慶府城西東南流經溫縣城西又東徑平臯城南

城在温縣東南二十里漢縣也本春秋時邢邱有平
臯波周二十五里陂南即大河矣奉溝水自是南注
于河朱溝水自奉溝又東南右泄為沙溝其水東南
流經安昌城西城在今懷慶府東南六十里又東經
隰城北左氏春秋亦作隰邨京相璠曰在懷縣西南
故懷城東北去今武陟縣十一里左氏春秋王與鄭
田懷其一也漢為懷縣後漢志雒陽北百二十里河
內郡治是也又東經殷城西郭緣生述征記曰河之
北岍河內縣有殷城又東南水積為陂又東南注于
河道元之意以奉溝入河為濟之正瀆所由以沙溝

入河為濟之枝渠所由皆漢武德縣地其故城在今
武陟縣東後代濟水于温城西改流南洑經温城西
又南經虢公臺西臺在今温縣西南濟水自是南注
于河今是流亦湮惟從枝津南注合湫水入河

水經濟水出河東垣縣東王屋山為沅水注云今濟

水重源出温城西北平地北魏時濟水源為軹縣境

晉古文尚書孔傳云泉源為流去為濟軹縣東北平地東

襲其文歟孔冲達義疏云見今濟水所出在温之西

北七十餘里水有二源東源出原城東北昔晉文公伐原

以信而原降即此城也俗以濟水重源所發因復謂
之濟源城其水南逕其城東故縣之原鄉南流與西

源合西源出原城西東沆水注之水出西南東北流
注于濟濟水又東逕原城南東合北水此北水謂東源上東沆別
是一亂流東南注分為二水一水東南流俗謂之為
行水行沆聲相近傳呼失實也又東南逕郟城北而
出于温矣郟當作締其一水枝津南流注于洪

水經又東至温縣西北為濟水又東過其縣北注云
濟水于温城西北與故瀆分南逕温縣故城西周畿
內國司寇蕪忿生之邑也濟水南歷魏公臺西皇覽曰
温城南有魏公臺基址尚存濟水南流注于河濟水
故瀆于温城西北東南出逕温城北又東逕魏公冢

北皇覽曰魏公冢在温縣郭東濟水南大冢是也濟
水當王莽之世川瀆枯竭其後水流逕通津渠勢改
尋梁脈水不與昔同

水經屈從縣東南流過墳城西墳在今温縣東又南當鞏縣
北南入于河注云濟水故瀆東南合奉溝水水上承
朱溝于野王城西東南逕陽鄉城北又東南逕李城
西秦攻趙邯鄲且降傅舍更子李同說平原君勝分
家財饗士得敢死者三千人李同與赴秦軍秦軍退
李同死封其父為李侯故徐廣曰河內平臯縣有李
城即此城也于城西南為陂水淹地百許頃蒹葭萑

葦生焉號曰李陂又逕墳城西屈而東北逕其城北
又東逕平臯城南又南注于河

水經注沁水章朱溝水上承沁水于沁水縣西北自
枋口東南流奉溝水右出焉又東南流右泄為沙溝
水也水分朱溝南派東南逕安昌城西又東逕隰城
北京相璠曰在懷縣西南又逕殷城西東南流入陂
陂水又值東南流入于河先儒亦咸謂是溝為濟渠

其伏流者決出河之南是為滎播以涸

濟多伏流自地中絕河而南禹貢于導沅水曰溢為
滎于豫州曰滎播既緒蓋澤與河北濟沅潛通也鄭

康成曰今塞為平地滎陽民猶謂其處為滎播在其
縣東吳幼清云濟既入河其伏流者潛行地下絕河
而南溢為滎澤再出于陶邱北溢者言如井泉自中
而滿非有來處如荷澤被孟緒之被出者言在平地
自下而涌非有上流如某水至某處之至滎澤後既
填塞陶邱亦無實濟瀆故道不可復尋矣隋開皇四
年分滎陽縣地置廣武縣仁壽初改曰滎澤澤在縣
南括地志滎陽故城在滎澤縣西南十七里隋唐已
來滎澤舊治在河之南澤之北明成化中以河水壞
城南徙五里今澤在縣北值漢滎陽縣之東北故漢

志謂軼滎陽北地中而鄭君謂在縣東也滎陽水殷
之教地亦作在教山之陽戰國時韓謂之滎陽其故
城在今縣北隋末徙治大索城城在故京城西二十
里五代時徙滎陽縣治于京城西北三十里是為今
之滎陽縣胡肅明云司馬彪郡國志河內温下云濟
水出王莽時大旱遂枯絕河南滎陽下云
有鴻溝水而不言滎澤豈以其時已塞為平地乎濟
枯之語繫之温縣蓋專謂北源故鄆注于温縣濟水
故瀆下言之然北源東漢復出水經歷歷可考彪河
以直言枯絕而滎澤無文則又似專指南源此後人
所以移其說于滎澤也但濟水因旱而枯早則當
復舊夏季伊洛竭獨一枯而幽王時三川竭諸水
不聞自此遂絕也濟何源何枯而以終絕後漢書王景
源同此一濟北源復出南源何以得修汴渠東侵日月
傳云平帝之世河汴決壞未及言河決積久日月侵
毀建武十年陽武令張汜上言

毀濟渠所漂數十許縣明帝紀永平十三年詔亦言
自汴渠決敗六十餘歲皆在河中潁廣濶莫測
東所當時汴濟之區災之餘里則固在所以漂數十縣
圻所當時汴濟之區災之餘里則固在所以漂數十縣
滎瀆南去滎澤不過二十餘里則固在所以漂數十縣
之中者也河水氾濫必至其處歷六十年而後已填
淤之入空竇盡室地中伏流不能上涌滎澤之塞實
由于此豈因旱乾而遂塞哉余闕曰河天下之濁水也
水一石率泥數斗嘗道出梁宋觀決河凡水之所被
比其去即宮居大木盡沒地中漫不見踪跡然則河
侵滎澤去後安得不塞為平地鉅野縣志云元末之
決入鉅野及徙後澤遂涸為平地鉅野縣志云元末之
傳聞不暇深考故言之不詳世遂附
會以為滎澤陸塞之故殊非事實
滎水故瀆首受河于教山東北東南流得却水又東得
馮池之水又東得旃然之水東至滎澤北得濟隨之水
又東得京水東迤北注于濟

滎水周職方為豫州川亦謂之滎瀆首受河于河陰
縣西教山東北是為滎口有石門所謂滎口石門也
東南流右^合郊水京相璠曰郊在教北是也水首受河
于河陰縣教城西北有石門亦呼石門水後代嘗濬
之為汴梁去縣二十里水經以為菴蕩渠又以是為
濟水東流經廣武山北其山縣互五十里山麓南跨
汜水縣東跨滎澤縣括地志山在滎陽縣西二十里
一名三皇山亦曰三室山述征記山上一澗橫絕相
對皆立城塹遂號東西廣武渠水又東經教山北秦
置倉于此有教倉城括地志云教倉在滎陽縣西北

十五里石門之東北臨汴水南帶三皇山是也又東
左會于滎瀆又東宿胥水受河于原武縣西北扈亭
春秋諸侯會之地也其水東南流注于滎水滎水又
東合馮池水漢志河南郡滎陽馮池在西南其水東
北流謂之磔石溪經教山南號亭北應邵曰故號國
今號亭是也此鄭所取之東號亦呼平眺城在滎陽
縣東北二十里池水又東北注滎水漢書溝洫志賈
讓言滎陽漕渠其水門但用木與土耳如淳云今磔
溪口是也顏師古云磔溪溪名即水經所云沛水東
過磔溪者然則石門渠實漢之滎陽漕渠今水經作

東至北磔溪與師古所引異後人謬有增改耳滎水
又東右合旃然之水又東至滎澤濟隨水首受河于
原武縣西北南流經卷城東城在原武縣西北七里
漢縣也本魏之卷邑又南經衛雍城西城在原武縣
西北五里春秋時鄭地也亦曰垣雍又南注于滎澤
左氏春秋所謂濟于濟隨謂是水也滎水又東經垂
隴城北自澤東出東南經釐城東水經注謂之南濟
右合黃水亦曰京水也旃然亦曰索水今京索二水
合梅山之水至中牟入汴非昔之纏絡矣滎又東南
右出為蕩蕩渠漢志河南郡滎陽有蕩蕩渠首受汴

東南至陳入潁是也滎水又東北經陽武縣城南又
東為白馬澗在縣東南三里唐載初元年引汴水入
白河謂是澗之渠流矣今泗滎水又東經封邱縣南
漢縣也左氏春秋封父之繁弱通典曰封邱古封國
也又東經祥符縣北故浚儀也漢志陳留郡浚儀故
大梁魏惠王自安邑徙此晉地道記云故衛儀邑也
北魏為陳留郡治東魏于此置梁州北周改曰汴州
舊唐書云隋浚儀在今縣北三十里為李密所陷縣
人王要漢率亳族置縣于故汴州城義寧元年于縣
復置汴州唐武德四年移縣于州北羅城貞觀中移

于州西一里元和中移入郭內方輿紀要云唐興元二年自宋州徙宣武軍于此朱梁建都為東京開封府晉復都此漢周皆因晉舊宋太祖復定都為金曰汴京宣宗遷都為元曰南京路至元十二年改作汴梁路明洪武初建北京于汴梁復曰開封府漢後儀城在府城西北宋祥符中改縣曰祥符又東南經陳留縣北漢故城在今縣北二十里又東經小黃城北城在陳留縣東北三十里漢縣也晉為陳留郡治元延祐中大河自小黃村口決入下流合潁入淮即于此也滎水又東經蘭陽縣東昏城北城在縣東北二十里漢縣也本陽武之戶牖鄉括地志東昏鎮在陳留東北九十里是也又東經濟陽城南西去蘭陽縣五十里東北去曹縣七十里漢縣也蘇代曰決白馬之口魏無黃濟陽是也又東經戎城北又東北枝津東出為荷水滎水又東北經荷澤縣西南冤句城南去縣四十里漢縣又東經荷澤縣南又東經曹縣西北濟陰城北城去縣六十里城東北五里有左岡與荷澤定陶二縣接界即陶邱之別阜矣故是城亦有左城之目魏書孝昌二年置西兗州治定陶尋徙左城隋置濟陰縣為曹州治金大定二十七年河決曹

漢乃改築城于州之北原徙州治焉明年又徙治乘氏故城明洪武初以水患徙治安陵鎮本戰國時齊之桂陵二年又徙槃石鎮西北去安陵五十里四年改州為縣正統十年別置曹州于金時故址今為曹州府倚郭置荷澤縣滎水又東北經定陶城南漢縣也地理通釋云濟陰西北三十七里即定陶故城曹所都也宋太平興國置廣濟軍縣屢廢復置漢故城在今縣西北四里縣北有三驥城滎水又東流合于荷水荷水自曹縣西南五丈溝分滎水溝去縣五十里其水東流經陶邱北自是已下蓋禹貢濟瀆之舊

考春秋濟隧之名當為濟通河之始其西則有出河之濟又西有滎口又西有石門渠交錯于滎澤北其所纏絡在今河陰滎陽滎澤原武陽武封邱祥符陳留蘭陽曹州曹縣定陶之境後代大河徙流故渠盡湮無復可考矣曾彥和曰職方云其川滎雒者禹時為滎澤而已至周則為川穆天子傳浮于滎水乃秦廣樂是也

水經濟水章與河合流又東過成臯縣北又東過滎

陽縣北又東至北礫溪南礫漢即注之礫石溪水無所謂北礫溪也北字後入

所加東出過滎陽北陽字誤當作澤注云尚書曰滎波既豬昔

大禹塞其淫水而于滎陽下引河東南以通淮泗水
澤開之通淮泗即經所謂滎蕩渠也黃文叔云滎
或不出河斷非禹迹後世不識聖人之意忘鑿河為
滎泗者以舟楫之利也荷已通矣而何更用通滎蕩
哉其曰禹塞淫水而鑿之者春秋經國之世商榷功
利而忽遠圖並植私狗欲而不顧大經策謀之士託
為鴻溝以通宋鄭陳蔡曹衛與濟汝濟水分河東南
淮泗會其在春秋戰國之際明矣
流漢明帝之世司空伏恭薦樂浪人王景善能治水
顯宗詔與謁者王吳始作浚儀渠此即景吳所脩故
瀆也渠流東注浚儀故復謂之浚儀渠靈帝建寧四
年于敖城西北壘石為門以遏渠口謂之石門故世

亦謂之石門水門廣十餘丈西去河三里魏太中和
更又脩之水北有石門亭水南帶三皇山亦謂之三
室山濟水又東逕西廣武城北山下有水北流入濟
世謂之柳泉濟水又東逕東廣武城北夾城之間有
絕澗斷山謂之廣武澗濟水又東逕敖山北詩所謂
薄狩于敖者也其山上有城即殷仲丁之所遷也秦
置倉于其中故亦曰敖倉城濟水又東合滎瀆瀆水
受河水有石門謂之為滎口石門也而地形殊卑蓋
故滎播所導自此始也東南流注于濟今無水次東
得宿須水口水受大河渠側有扈城東南流注于濟

今無水宿須在河之北不在此也蓋名同耳自西緣帶山隰秦漢已來亦有通石濟水與河渾濤東注晉太和中桓溫北伐將通之不果而還義熙十三年劉公西征又命寧朔將軍劉遵考仍此渠而漕之始有激湍東注而終山崩壅塞劉公于北十里更鑿故渠通之今則南瀆通津濟水于此又蕪邲目春秋宣公十三年晉楚之戰楚軍于邲即是水也京相璠曰在教北濟水又東逕滎陽縣北又東南磔石溪水注之水出滎陽城西南李澤澤中有水即古馮池也地理志滎陽縣馮池在西南是也東北流歷教山南號亭

北又東北逕滎陽縣北斷山東北注于濟世謂之磔

石澗即經所謂磔溪矣經云濟出其南非也濟東流

東北注之則濟至其北水經不當言又東至磔溪南

今本水經注多訛為經前後復奈胡臆明于又東南

磔石溪水注之下云又東二字為句石字衍觀注云

經所謂磔溪可知上北磔石澗石字非衍也此句本非經

石溪又明云謂之磔石澗石字非衍也此句本非經

南指上又東至北磔溪南句耳北磔溪南磔溪北字

後兩字皆後人諤加因不辨一屬注徙見前

水又東索水注之又東逕滎澤北故滎水所都也東

南與濟隧合濟隧上承河水于卷縣北河南逕縣故

城東又南逕衡雍城西與出河之濟會出河之濟亦

在其東南去新鄭百里斯蓋滎播河濟往復逕通矣

出河之濟即陰溝之上源也濟隧絕焉出河之濟分左右二瀆俱

東絕濟隧其左故世亦或謂其故道為十字溝自于

岑造八激隄于河陰水脈徑斷故瀆難尋又南會于

滎澤有垂隴城濟瀆出其北京相璠曰垂隴鄭地今

滎陽東二十里有故隴城世謂之都尉城蓋滎陽典

農都尉治故變垂隴之名矣澤際又有沙城澤字誤當作瀆

城左佩濟瀆瀆際有故城史記秦昭王四十二年魏

冉攻魏走芒卯入北宅即故宅陽城也竹書紀年王

及鄭釐侯盟于巫沙以釋宅陽之圍歸釐于鄭濟水

又東南逕釐城東春秋書公會鄭伯于時來左傳所

謂釐也京相璠曰今滎陽縣東四十里有故釐城濟

水右合黃水東南流入陽武縣歷長城東南流蕩蕩

渠出焉濟水又東北流逕陽武縣故城南又東為白

馬淵淵東西二里南北百五十步泉流名為白溝又

東逕房城北又東逕封邱縣南又東逕大梁城北東

南逕倉垣城又東逕小黃縣之故城北又東逕東昏

縣故城北武陽縣之戶脯鄉矣濟水又東逕濟陽縣

故城南
水經又東過武陽縣北又東過封邱縣北又東過平
邱縣南又東過濟陽縣北此四語與下文川流不相
連貫蓋作水經者不分南

北濟涸同為一壩道元不顯言其非而以又東過冤
南濟北濟分注之今北濟別見于後
胸縣南又東過定陶縣南北注云南濟也濟瀆自濟
陽縣故城南東逕我城北春秋隱公二年公會戎于
潛杜預曰陳留濟陽縣東南有戎城是也濟水又東
北河水東出為濟水又東北逕冤胸縣故城南又東
逕秦相魏冉冢南為秦相穰侯魏冉之冢又東北
逕定陶恭王陵南在曹縣西北五十里濟陰城北瀆
南魏郡治也世謂之左城即濟陰故城後魏謂之孝
昌城濟水又東北逕定陶縣故城南側城東注縣故
三駸國也周武王封弟叔振鐸之邑故曹國也

水經又屈從縣東北流注云南濟也又東北右合荷

伏流于陶邱北復出東北為荷澤亦久涸

漢志濟陰郡定陶下云禹貢陶邱在西南陶邱亭帝

世紀云定陶西邱在今縣西南七里禹貢濟水伏行

地中者復出于邱北東北流汜水自左注之又東北

流經定陶城南又東北為荷澤漢志濟陰郡下云禹

貢荷澤在定陶東唐貞觀初省定陶入濟陰通典于

濟陰縣下云荷澤在縣東北九十里故定陶城東北

澤在今荷澤縣東南三十里漢定陶地也其涸已久

故酈道元不詳其所在禹貢導荷澤在孟豬孟豬之
數值荷澤東南爾雅十數宋有孟諸是也孟豬諸都
四字古通
用亦曰望諸亦曰明都字隨音轉耳在高邱縣東北
接虞城之境漢志梁國睢陽故宋國微子所封禹貢
盟諸澤在東北闕駟十三州記曰不言入而言被者
明不常入也水盛方乃覆被矣元和志孟諸澤在虞
城縣西北十里周迴五十里寰宇記虞城孟諸澤俗
呼瀆蓋澤中有臺也胡朏明云今虞城縣西北十
里有孟諸臺接商邱界即此
爾雅水草交曰麋麋古瀆
字蓋以孟諸之瀆得名也金吉甫云自荷澤至孟諸
凡百四十里

水經注荷水上承濟水于濟陽縣東世謂之五丈溝
又東逕陶邱北此後世築水枝津至陶邱北入于濟
之故道耳禹貢東出之文非有上源
也墨子以為釜邱也荷水東北出于定陶縣北屋左
合汜水汜水西分濟瀆東北逕濟陰郡南又東合于
荷瀆昔漢祖既定天下即帝位于定陶汜水之陽張
晏曰汜水在濟陰界取其汜愛弘大而潤下也荷水
又東北逕定陶縣南又東北右合黃水枝渠渠上承
黃溝東北合荷而北注濟瀆也

荷澤水自澤別東入于泗

濟水自荷澤東流枝津右出為荷水東南流經乘氏

城南漢縣也金大定二十八年徙曹州治此改縣曰濟陰西南去故州城二十八里在今曹縣東北五十里又東經金鄉縣西北昌邑城北城去縣四十里秦縣也又東經金鄉故城南又東經東緡城北城在金鄉縣東北二十里漢縣也本夏時有緡氏之虛後漢分置金鄉縣又東經魚臺縣西北重鄉城南城去縣十一里又東經魚臺縣北城北方與城漢縣也唐寶應初改曰魚臺元和四年徙于魚臺市即今治又東經武棠亭北亭在縣東北十二里春秋棠亦作唐公及戎盟于唐是也又東至穀庭城左會泗水酈道元

于泗水章云荷水東與泗水合于湖陵縣西六十里穀庭城下城在今魚臺縣東二十里湖陵城在今沛縣北五十里與臺魚接境禹貢徐州浮于淮泗達于荷謂由是水至荷澤也後人目是為荷水矣漢志山陽郡湖陵下云禹貢浮于淮泗通于河當作水在南說叔重說文解字荷字下云荷澤水在山陽湖陵禹貢浮淮泗達于荷今禹貢及漢書荷皆轉寫訛作河惟說文足資證實東晉古文尚書孔傳曰荷澤在湖陵襲叔重言荷澤水者以為澤之所在謬矣水經又東至乘氏縣西分為二注云春秋左傳僖公

二十一年分曹地東傳于濟濟水自是東北流出鉅澤

水經其一水東南流者過乘氏縣注云荷水分濟于

定陶東北東南右合黃溝枝流俗謂之界溝也北逕

元氏縣故城西元氏當又北逕景山東又北逕楚邱

城西城在曹縣東南四十里春秋時戎州已氏之邑戎伐凡伯于楚邱以歸即此地非魏文公所遷

之楚邱郡國志曰成武縣有楚邱亭又東北逕成武城

西又東北逕郟城東疑郟徙也所未詳矣又東北逕

梁邱城西春秋會于梁邱者也又東北于乘氏縣西

而北注荷水荷水又東南逕乘氏縣故城南即春秋

之乘邱也故地理風俗記曰濟陰乘氏縣故宋乘邱

邑也

水經又東過昌邑縣北注云荷水東逕昌邑縣故城

北地理志曰縣故梁也漢景帝中元六年分梁為山

陽國武帝天漢四年更為昌邑國

水經又東過金鄉縣南注云荷水逕其故城南世謂

之故縣城北有金鄉山

水經又東過東緡縣北注云荷水東逕東緡縣故城

北故宋地鄒陽曰余登緡城以望宋都者也

水經又東過方與縣北為荷水注云荷水東逕重鄉

城南左傳所謂臧文仲宿于重館者也荷水又東逕
武棠亭北公羊以為濟上邑也城北有臺高二丈許
其下臨水昔魯侯觀魚于棠謂此也在方與縣故城
北十里經所謂荷水也荷水又東逕泥母亭北春秋
左傳盟于寘母謀伐鄭也荷水又東與鉅野黃水合
荷濟別名也黃水上承鉅澤諸陂澤有濛濛育陂黃
湖水東流謂之黃水又有薛訓渚水自渚歷薛村前
分為二流一水東注黃水一水西北入澤即洪水也
黃水東南流又東逕鉅野縣北何承天曰鉅野湖澤
廣大南通洙泗北連清濟舊縣故城正在澤中故欲

置戍于此城城之所在則鉅野澤也衍東北出為大
野矣昔西狩獲麟于是處也皇覽曰山縣鉅野縣有
肩髀冢重聚大小與闕冢等傳言蚩尤與黃帝戰克
之于涿鹿之野身體異處故別葬焉黃水又東逕咸
亭北春秋焚咸邱者也水南則金鄉縣之東界也金
鄉數山皆中穴空謂之隧山形峻峭焦氏山東即金
鄉山也黃水又東逕任城郡之亢父縣故城西夏后
氏之任國也漢章帝元和元年別為任城在北縣有
詩亭春秋之詩國也詩即其水謂之桓公溝南至方
與縣入于荷水荷水又東逕秦梁夾岍積石一里高

二丈言秦始皇東巡所造因以名焉

水經又東過湖陸縣南東入于泗水

荷澤水會泗水于穀鹿城下又

東流六十里乃至湖陸即湖陸也

注云尚書曰浮于淮泗達于河

當作是也

故瀆東北經大野之藪

濟水東北經鉅野澤爾雅十藪魯有大野是也漢志

山陽郡鉅野大野澤在北元和志大野澤在鉅野縣

東五里南北三百里東西百餘里胡肅明曰鉅野故

城在今縣之西而何承天云舊縣故城皆在澤中則

澤必不起自今縣之東北可知也蓋此地屢遭河患

漢元光三年河決濮陽欽子注鉅野通淮泗後二十

餘年始塞自是之後五代晉開運初宋咸平三年天

禧三年熙寧十年金明昌五年河皆決入鉅野溢于

淮泗或由北清河入海衝決填淤高下易形逮元至

正四年河又決入及河南徙澤遂涸為平陸而畔岍

不可復識矣別濟水水經注謂之北濟自滎澤東流

經原武縣西北脩武停南又東經原武縣城南又東

經陽武縣城北絕長城而東徐廣曰滎陽卷縣有長

城經陽武到密六國魏所築是也又東經延津縣南

烏巢澤北澤在縣東南又東經封邱縣南枝津左出

其枝津自滎澤別行滎水之北東入大野之藪此段入滎水章

為濮水別濟水又東經祥符縣北又東經陳留縣境
縣西北九十里平邱城西去封邱四十里東北去
長垣五十里漢縣也別濟經其縣南又東經東明縣
武父城北春秋公會鄭伯盟于武父者也城在縣西
北又東經濟陽城北又東北經荷澤縣西煮棗城南
又東北經冤句城北又東經呂都城南漢縣也在荷
澤縣西南二十里又東北經荷澤縣南又東北經定
陶縣北又東北左合濮水右瀆入大野澤
水經濟水章又東過陽武縣北又東過封邱縣北注
云北濟也自滎澤東逕滎陽卷縣之脩武亭南春秋

左傳盟于脩澤者也鄭地矣杜預曰卷東有脩武亭
濟水又東逕原武縣故城南春秋之原圃也又東逕
陽武縣故城北又東絕長城又東逕酸棗縣之烏巢
澤北澤有故亭晉太康地記曰澤在酸棗之東南濟
水出焉濟瀆又東逕大梁城之赤亭北而東注
水經又東過平邱縣南注云北濟也縣故衛地春秋
諸侯盟于平邱是也縣有臨濟亭田儋死處也又有
曲濟停皆臨側濟水者

水經又東過濟陽縣北注云北濟也自武父城北關
日在濟陽縣東逕濟陽縣故城北關稱陳留風俗傳
西北鄭邑也

曰縣故宋地也漢景帝中元六年封梁孝王子明為濟川王應邵曰濟川今陳濟陽縣是也北濟自濟陽縣北東北逕煮棗城南又東北逕冤胸縣故城北又東北逕呂都縣故城北又東北逕定陶縣故城北漢景帝中元六年分梁于定陶置濟陰郡又東北濮水與濟同入鉅野

北得汶水經梁山東

濟水自澤北出經鄆城縣西南魯之西鄆也公羊春秋作運北周置清澤縣為高平郡治隋改縣曰萬安開皇十年置鄆州于此十八年改縣曰鄆城金大定

六年以河患西徙十六里即今治地志云濟水故瀆在縣西南二十里濟水又北經汶上縣西北縣北平陸城漢東平陸縣也應邵曰古厥國今有厥亭是晉末徙治致密城後漢志云須昌有致密城古中都是也劉宗為平陸縣北齊曰樂平唐天寶初曰中都舊唐書云中都本治致密城在今縣西三十九里天寶中移于今治金曰汶陽泰和八年改曰汶上濟水又北經東平州西南汶水注之州本漢之東郡須昌縣晉為東平國治隋開皇六年改縣曰宿城十六年析置須昌縣今州西北十五里須昌城是也唐貞觀八

年徙鄆州治須昌貞元四年改宿城曰東平徙治郭
下元和中置天平軍節度太和四年改東平曰天平
六年并入須昌後唐改曰須城宋咸平三年以河患
徙鄆于故宿城而縣則仍曰須昌為郭下政和初改
州為東平府明洪武八年為東平州濟水又北經梁
山東山在州西南五十里西北去壽張縣七十里山
南則梁山灤也在壽張縣東縣本齊之良邑戰國時
謂之壽邑漢為東郡壽良縣應邵曰世祖叔父名良
改曰壽張其故城在今東平州西南劉宋曰壽昌金大
定七年以河患徙治竹口鎮十九年還舊治明洪武

初徙于梁山之東十四年徙金治東南去漢縣五十
里竹口鎮在今縣西十五里五代晉開運元年滑州
河決浸汴曹濮單鄆五州之境環梁山合于汶水與
南旺蜀山湖連瀰漫數百里宋天禧三年滑州之河
決歷澶濮曹鄆注梁山灤咸平五年詔漕臣按行梁
山灤間疏水入于淮金明昌中言者謂黃河已移故
道梁山灤水退地甚廣于是遣使安置屯田已後遂
成平地矣亦曰張澤灤熙寧十年河南徙會于梁山
張澤灤是也實大野澤之下游而南旺湖在汶上縣
西南三十五里則值大野東偏濟水又北經須胸城

西安民亭東今日安民鎮北即安民山在東平州西
南三十五里又北經吾山東又北經東阿縣西吾山
東山在縣西北八里縣西二十五里東阿故城秦縣
也本齊之柯邑元和志魚山在東阿縣東南二十里
魚山即吾山也宋開寶八年徙治南穀鎮在今縣南
十二里太平興國三年又南徙十八里利仁鎮金徙
治新橋鎮當宋紹興三年明洪武八年南徙十里治穀城春
秋時齊穀邑也杜元凱以釋魯之小穀謬矣秦曰穀
城漢巴東為穀城縣北齊并入東阿今則穀城為東
阿縣治沈存中云古說濟水伏流地中今歷下凡發地
下皆自流東阿亦濟水所經取井水煮

膠謂之阿膠其性趣下清而且重用攪濁水則清縣西十里有大清河古濟

瀆所經也馬頰水自微鄉北首受濟西北流經安山
北又西經桃城東城在東阿縣西南四十里西去張
秋鎮十八里有邱高數仞即春秋齊之桃邱矣杜元
凱以為衛地非也張秋鎮在東阿縣西南六十里與
壽張陽穀接境宋曰景德鎮明曰安平鎮馬頰水又
東北經吾山南注于濟今俗呼小鹽河者西自壽張
陽穀之境流經張秋鎮東至吾山入大清河土人猶
有馬頰河之稱而呼大清河曰鹽河濟水東北經平
陰縣西隋開皇十六年置榆山縣今平陰縣西北二

十里榆山下故城是也大業二年改曰平陰縣西北十五里有大清河濟水又東經故平陰城西城在今縣東北三十五里本春秋齊之平陰隋因以名縣又東北經長清縣洛當城西城在縣西南又東北經盧城北城在縣西南二十五里漢縣也本齊之盧邑戰國時謂之博陽漢文帝時分濟北國都為北魏置濟州唐天寶初曰濟陽郡又東北經長清縣北縣東南三十里長清城盧縣長清鎮也本齊之石窰隋分置長清縣宋至道二年徙今治縣北有大清河漢賓谷水出馬格山山在縣東南六十里齊閻人宿沙衛殺

馬于隘以塞道處也其水西北流注大清河亦呼沙溝濟水又東北經齊河縣東本禹城縣之齊河鎮金大定八年分為縣城東門外有大清河又東北經歷城縣北漢縣也本齊之靡下南有靡笄山左氏春秋鞏之戰晉師從齊師至于靡笄之下是也靡歷字形相似而訛史記晉平公元年伐齊齊靈公戰于靡下徐廣云靡當作歷蓋習訛已久莫之是正且改是以從非矣晉永嘉初為濟南郡治劉宋置冀州北魏曰齊州隋曰齊郡唐天寶初曰臨淄郡宋政和六年為濟南府府城西有歷下城濼水出府城西南其泉源

曰趵突泉東北流經城北歷下諸泉匯而為湖曰大明湖在府城內西北隅周十餘里由北水門出注于濼濼水又東北注于濟謂之濼口今為堰頭鎮在府東北二十里東北經華不注之陰東北入于海濟水又東北華泉發于華不注山之下山在府東北十五里其水北注濟今涸巨合水出章邱縣西南雞山山去縣四十里其水二源竝發行五里許而合北流經歷城縣東巨合城西城去縣七十里縣之巨里聚也今曰龍山鎮故水亦呼龍山河矣又北武原水出府東南七十里譚城南平澤中北流經城東故譚國也又東北經東平陵城西城在府東南七十五里漢縣也又西北經巨合城東而北注巨合水又西北經平臺城南城在府東北五十里漢縣也後漢曰臺縣又北注濟濟水又東北經章邱縣西北管城南城去縣三十里漢縣也縣有漢陽邱故城北齊徙高唐縣于故陽邱西北十里隋開皇十六年改曰章邱縣北三十里有小清河古濟瀆所經也又東經鄒平縣北漢鄒縣也後漢曰鄒平其故城在今縣西南二十五里宋景德初徙今治縣北十八里有濟南郡城漢郡治也縣北十三里有小清河許山濼在縣西長白

山下山東北去縣十里與章邱長山二縣接境濼去縣十五里其水北注小清河濟水又東北經長山縣北縣西南二十里於陵城漢縣也本齊之於陵劉宋僑置廣川郡及武強縣于故於陵東北北齊改郡曰東平原隋開皇十八年改縣曰長山縣西北三千里有小清河濟水又東北經新城縣北元析長山縣置也又東北經高苑縣西南漢縣也晉為樂安國治劉宋于故縣西南二里改置長樂縣即今治隋開皇十八年改曰會城縣西南七里有小清河瀧水出益都縣西南孝感泉泉在顏神鎮南三里孝婦祠下戰國

時齊人顏文妻也鎮去縣百八十里鎮西北去原山

東麓二十里

輿程記鎮北去淄川縣三十里西南去章邱縣百里

劉宋青州刺

史羊穆之築城于陽水之北名東陽復城陽水之南

曰南陽以東陽為北青州治其後直曰青州北齊徙

益都縣于此隋因舊城改築益都城為北海郡治金

益都府及縣治南陽明為青州府治隴水北經淄川

縣般陽城西南城在縣治西漢縣也劉宋僑置清河郡

及貝邱縣于此開皇十八年改曰淄川般水出縣東

南二十里龍山西北流入于瀧瀧水又西北經長山

縣城南又東北經鄒平縣東又西北經梁鄒城城南

城在鄒平縣北四十里漢縣也瀧水右轉復經其城
西又北迤東經新城縣西北去縣二十三里又東北
至高苑縣西南注于小清河濟水又東北經被陽城
北城在縣西南又東北經博興縣南唐武德八年徙
博昌治樂安城即今治五代唐改曰博興縣南八里
有小清河漢北昌故城在今縣南二十里又東北經
薄姑城北城在縣東北十五里古國也又東北經樂
安縣北縣東北二十里廣饒城漢縣也隋為千乘郡
治金改置樂安縣即今治縣北十八里有小清河又
東北為馬車瀆去縣五十里濟水又東經琅槐城北
城在樂安縣東北百一十里漢志流水東至琅槐入
海馬車瀆首受鉅定東北至琅槐入海馬車瀆水經
注所謂馬常坑也其南為壽光縣西北五十里之清
水泊即漢志所謂鉅定定讀為澱蓋淄時之水北連
濟沉下尾瀰漫是間也考大清河在汶上縣已南合
諸山泉澤泊之水以成川者元開會通河絕之而過
今則自平陰縣南柳溝諸泉由東平州城北折而東
北夏秋漕渠之水漲溢則于張秋南啟減水牖洩入
大清河又北經東阿縣西折而東北經其縣北又東
經平陰縣北又東北經長清縣北齊河縣東又北經

歷城縣北而東北右會濼水又北經臨邑縣東又東北經濟陽縣南又北經齊東縣北又東北經惠民縣南又東經青城縣北濱州南又東北經蒲臺縣北又東北經高苑縣北又北津利津縣東而東北入于海濼水自歷城縣鉤突泉導而東北會合衆泉流經華不注山合華泉又東北入大清河劉豫堰之使東是為小清河經章邱鄒平長山新城之北而東北合瀧水又經高苑博興南樂安北入海自歷城已東之水昔入濟者竝注小清河近時小清河淤塞不通利而濼水復入大清河矣杜預春秋釋例曰濟自滎陽卷

縣東經陳留至濟陰北經高平東經濟北東北經濟南至樂安博昌縣入海杜佑通典曰濟水因王莽末旱渠涸不復截河過今東平濟南淄川北海界中有水流入于海謂之清河實荷澤汶水合流而曰濟河蓋因舊多非本濟水也李吉甫元和郡縣志曰濟水蓋自王莽末入河同流于海知河南之地無濟水矣自後所說皆襲舊名如鄆州之須昌濟州之長清廬縣濟州之臨邑豐齊全節臨濟章邱淄州之濟陽長山鄒平高苑青州之博昌諸縣界中並有濟水其後則不經博昌而改從棗州之蒲臺入海是皆襲舊名

而實非濟也黃文叔曰濟水雖絕其瀆猶在雖中間
經穿鑿變易或斷或續然水之附入于其瀆者猶可
尋求緝之以存禹迹亦非無理也黃子鴻曰以水經
注元和志寰宇記諸書考之濟水最南潒水在中河
水最北今者小清所經自歷城以東如章邱鄒平長
山新城高苑博興樂安諸縣皆古濟水所行而大清
所經自歷城以上至東阿固皆濟水故道而自歷城
東北如濟陽齊東青城諸縣則皆古潒水所行蒲臺
以北則故河水所經蓋宋時河嘗行潒瀆及河去則
大清無行河潒二瀆其小清所行則斷為濟水故道

也胡朏明日釋例自卷縣博昌而外略舉郡名故與
於水經不同孔穎達以為水流之道今古或殊杜據
當時所見言之與水經乖異非也晉時潒水之道實
與漢世不殊文有詳畧非枯後復通津渠勢改也若
夫唐之清河自須昌以下所受惟荷汶則又有其故
矣蓋天寶之後汴水堙廢濟渠亦無受荷澤以西竟
成斷港故元和志言濟自須昌始而通典云濟河實
荷汶之合流其所謂荷者即五丈溝之水西自考城
來者也迨元人開會通河引汶絕濟以資運道明永
樂中又于古四汶口之地築戴村壩遏汶使西南流

惟小鹽河一綫入清河清河賴諸山泉溝澤以成其川并無沂汶之可言矣

水經又東至乘氏縣西分為二注云春秋左傳僖公二十一年分曹地東傳于濟濟水自是東北流出鉅澤

水經其一水東南流其一水從縣東北流入鉅野澤注云南為沂水北為濟瀆迨乘氏縣與濟渠濮渠合濟水故瀆又北洪水上承鉅野薛訓渚歷澤西又北逕闕鄉城西春秋公會宋公于闕皇覽曰蚩尤冢在東郡壽張縣闕鄉城中冢高七尺常十月祠之有赤

氣出如絳氏名為蚩尤旗又北與濟瀆合自渚迄于北口百二十里名曰洪水桓温以太和四年率衆北入掘渠通濟至義熙十三年劉武帝西入長安又廣其功自洪口以上謂之桓公瀆

水經又東北過壽張縣西界安民亭汶水從東北來注之注云濟水又北汶水注之戴延之所謂清口也

郭緣生述征記曰清河首受洪水北注濟或謂清即濟也禹貢濟東北會于汶今枯渠注鉅澤北則清水

清水與汶會也

胡肅明云濟水改從澤西之清水而遠澤北以會汶水謂之清口元和志

須昌縣有濟水南自

濟水又北逕梁山東袁宏出征

賦曰背梁山截汶波即此處也又北逕須胸城西城
臨側濟水故須國風姓也杜預曰須胸在須昌縣西
非也濟水西有安民亭亭北對安民山東臨濟水水
東即無鹽縣界也濟水又逕微鄉東春秋築郟京相
璠曰公羊傳謂之微東平壽張縣西北三十里有故
微鄉魯邑也杜預曰有微子冢濟水又北枝津北出
謂之馬頰水

水經又北過須昌縣西注云京相璠曰須胸一國二
城兩名蓋遷都須昌胸是其本濟水于縣趙溝水注
之

水經注濟水又北逕魚山東左合馬頰水水首受濟
西北流歷安民山北又西流趙溝水出焉東北注于
濟馬頰水又逕桃城東又東北逕山南山即吾山也
山上有抑舒城去東阿城四十里其水又東注于清
濟濟水自魚山北逕清亭東春秋公及宋公遇于清
京相璠曰今濟北東阿東北四十里有故清定是濟
水通得清之目水色清深用蕪厥稱矣故燕王曰吾
間有清濟濁河以為固

水經又北過穀城縣西注云側岍有尹卯壘南去魚
山四十餘里魏土地記曰縣有穀城山山出文石狼

水出東南大檻山狼溪西北逕穀城西又北有西流
泉出城東近山西北逕穀城北西注狼水又西北入
濟水城西北三里有項王羽之冢濟水又北逕周首
亭西今世謂之盧子城濟北郡治也京相璠曰今濟
北所治盧子城故齊周首邑也在今東阿縣東
水經又北過臨邑縣東注云水有石門春秋齊鄭盟
于石門京相璠曰石門齊地今濟北盧縣故城西南
六十里有故石門去水三百步蓋水瀆流移故側岍
也濟水又北逕平陰城西春移齊侯禦諸平陰杜預
曰城在盧縣故城東北非也京相璠曰平陰齊地也

在東北盧縣故城西南十里平陰城南有長城東至
海西至濟河道所由名防門去平陰縣三里齊侯塹
防門即此也其水引濟故瀆尚存今防門北有光里
齊人言廣與光同即春秋所謂守之廣里者也又云
巫山在平陰北今巫山之上有石室世謂之孝子堂
濟水右逕過為澹湖方四十餘里濟水又東北至垣
苗城西故洛當城也伏韜北征記曰濟水又與清河
合流至洛當者也宋武帝西征長安令垣遵鎮此故
俗有垣苗之稱河水自四瀆口東北流而為浦魏土
地記曰盟津河別流十里與清水合亂流而東逕洛

當城北黑白異流涇渭殊別而東南注也

水經又東北過盧縣北注云濟水東北與滄溝合水上承滄湖北流注濟濟水又逕盧縣故城北濟北郡治也又逕什城北城際水滄故即閣也祝阿人孫什將家居之以避時難因謂之什城烏濟水又東北與中川水合水東南山荏縣之分水嶺溪一源兩分泉流半解亦謂之分流交半水南出太山入汶半水出山荏縣西北流逕太原郡南郡治山荏西北與漢賓谷水合水出南格馬山漢賓溪北逕盧縣故城北陳敦戍南西北流與中川合謂之格馬口其水又北逕

盧縣故城東而北流入濟俗謂之為沙溝水濟水又東北右會玉水導源太山琨瑞溪西北流逕玉符山又西北逕獵山東又西北枕祝柯縣故城東野井亭西春秋照公二十五年經書齊侯唁公于野井襄公十九年諸侯盟于祝阿左傳所謂督揚者也故俗謂是水為祝阿澗水北流注于濟濟水又北灤水出歷縣故城西南泉源上奮水湧若輪春秋公會齊侯于灤是也城南對山山下有大穴謂之舜井其水北為大明湖引瀆東入西郭至歷城西而側城北注湖水上原東城歷祠下泉泉源競發其水北流逕歷城東

又北引水為流柘池分為二水右水北出左水西逕
歷城北西北為陂謂之歷水與灤水會歷水枝津首
受歷水于歷城東東北逕東城西而北出郭又北注
灤水又北聽水出為灤水又北流注于濟謂之灤口水
經注濟水又東北華不注山單椒秀澤不連邱陵以
自高虎牙傑立孤峰特拔以刺天青崖翠發望同點
黛山下有華泉故京相璠曰春秋土地名曰華泉華
不注山下泉水也北絕聽瀆二十里注于濟
水經又東北過臺縣北注云巨合水南出雞山西北
北逕巨合城西又北闔盧水導源馬耳山北逕博亭

城西西北流至平陸城武原水出譚城南平澤中北
逕譚城東又北逕東平陵縣故城西又北逕巨合城
東合闔盧水而注巨合水西北逕臺縣故城南西北
流白野泉水出臺城西南北逕留山西北流而右注巨
合水又北聽水注之水上承灤水東流北屈又東北
流注巨水亂流入于濟濟水又東北芹溝水出臺縣
故城東南西北流逕臺城東又西北入于濟
水經又東北過管縣南右納百脈水水出土鼓縣故
城西城在淄川縣西五十里水源方百步百泉俱出故謂之百
脈水其水西北流逕楊邱縣故城中西北出城北逕

黃巾固蓋賊所屯故固得名焉在章邱縣城北百脈水又東

北注于濟濟水東又有楊渚溝水逕於陵故城西南

西北逕土鼓城東又西北逕章邱城東又北逕甯西

而北注於濟

水經又東過梁鄒縣北注云瀧水南出長城中北流

至般陽縣故城西南與般水會水出縣東南龍山俗

亦謂之為左阜水西北逕其城南又南屈西入瀧水

北逕其縣西北流至萌水口萌水出西南甲山一名

山在淄川縣西南三十里東北逕萌山山在淄川縣西東北入

于瀧瀧水又西北至梁鄒東南魚子溝水南出長白

山東柳泉口逕於陵縣故城西北流注于瀧水瀧水

即古表水也故京相璠曰濟南梁鄒縣有表水瀧水

又西北逕梁鄒縣故城南又北屈逕其城西北流注

濟其城之東北又有時水西北注焉

水經又東北過臨濟縣南注云縣故狄邑也晏謨齊

記曰有南北二城隔濟水南城即被陽縣之故城也

北枕濟水今渤海僑郡治濟水又東北逕為淵渚謂

之平州溼沃側有平安縣故城應邵曰博昌縣西南

三十里有平安亭故縣也世尚存平州之名矣濟水

又東北逕高昌縣故城西又東北逕樂安縣故城南

伏琛齊記曰博昌城西北五十里有南北二城相去三十里隔時濟二水指此為博昌北城非也濟水又經薄姑城北又東北逕狼牙固而東北流也水經又東北過利縣西晏謨曰縣在濟城北五十里水經又東北過甲下邑入于河注云濟水東北至甲下邑南東歷琅槐縣故城北地理風俗記曰博昌東北八十里有琅槐鄉故縣也山海經曰濟水絕鉅野注渤海入齊琅槐東北者也又東北河水枝津注之水經以為入河非也斯乃河水注濟非濟入河水經又東北入海注云郭景純曰濟自滎陽至樂安

博昌入海今河竭濟水仍流不絕經言入河二說竝失河水于濟漯之北別流注海今所輟流者惟漯水耳

旃然水出嵩渚之山故瀆東北注于滎水

旃然水出滎陽縣東南嵩渚山山去縣二十五里左氏春秋楚伐鄭右師涉潁次于旃然即是水之側也後代浸渠勢改不與昔同其故瀆東北流經小索大索城謂之索水又東經虢亭南又東北經滎陽城東宋白曰滎陽故城在今縣南十七里平原上索水經其東是也又北入于濟

水經注索水出京縣西南嵩渚山與東關分水即古
旃然水也其水東北流器難之水注之山海經曰少陘
之山器難之水出焉而北流注于浸即此水也其水
北流逕金亭又北逕京縣故城西入于旃然之水域
故鄭邑也城北有壇山岡其水亂流北逕小索亭西
京相璠曰京有小索亭世語以為索氏兄弟居此榮
水又北逕大柵城東晉滎陽民張卓董邁等遭荒鳩
聚流離保固名為大柵塢至太平真君年潁州刺史
崔白自虎牢移州治此北魏泰常中置禹州治虎牢
又東開廣舊城創制改築為太和十七年遷都洛邑

省州置郡索水又屈而西流梧桐澗水出西南梧桐
谷東北注于索斯水時有通塞索水又北屈東逕大
索城南括地志云今滎陽縣即大索城小索故城在
三十一里大索城在京城西二十里東北四為小索城
考水經注索水逕流之次自京城北至小索亭又北
至大柵城又屈而西又北屈東大索城小索不得在
大索之東北明矣北魏徙豫州治大柵塢開廣舊城
改築後為滎陽郡治隋末徙滎陽縣治大索城隋唐
之間殆誤以大柵城為大索城而謂其東北大索城
為小又東逕號亭南又東北流須水出京城東北二
索墩
里榆子溝或謂之小索水東北注木蓼溝水上承京
城南淵東北入于須水須水又東北於滎陽縣城東
南北注索索水又東逕滎陽城南又東逕周苛冢北

又東流北屈西轉北逕滎陽城東而北流注濟水濟
渠水斷汴溝惟承此始故云汴受旃然矣亦謂之鴻
溝水蓋因漢楚分王指水為斷故也

京水出滎陽縣西黃堆山山即嵩渚山枝阜東北經
鄭州北故市城南城去州三十五里又東北分為二
其一北入滎澤其一右出為黃雀溝

水經注黃水發源京縣黃堆山東南流名祝龍泉泉
勢沸湧狀若巨鼎湯湯西南流謂之龍項口世謂之
京水也又屈而北魚子溝水出石暗澗東北流又北
潑潑水出西溪東流注于魚水魚水又屈而西北注

黃水黃水又北逕高陽亭東又北至故市縣重泉水
出京城西南少陁山東北流又北逕高陽亭西東北
流注于黃水又東北逕故市縣故城南溪又東北至
滎澤南分為二水一水北入滎澤下為船塘俗謂之
邾城陂東西四十里南北二十里穆天子傳曰甲辰
天子浮於滎水乃奏廣樂是也一水東北流即黃雀
溝矣穆天子傳曰壬寅天子東至于雀梁者也又東
北與靖水枝津合二水之會為黃泉當作東北流注
于濟水

靖水出鄭州西南梅山山去州三十五里其故瀆自

梅山北溪東北流經鄭州城西州治即故管城漢為
中牟縣地隋開皇十六年析置管城縣為管州治而
北魏泰常中置豫州治虎牢城太平真君中徙治大
柵塢皇興中以虎牢為北豫州東魏天平初置成臯
郡北周為滎州及滎陽郡隋開皇初曰鄭州大業初
鄭州徙治管城唐武德四年仍置管州治管城鄭州
治虎牢貞觀七年改管州曰鄭州宋蕪置奉寧軍

靖水又東北分為二其一東北合黃雀溝水積成淵
曰黃淵北注滎水其一右出東北至中牟縣西北入
圃田澤澤去縣七里爾雅十藪鄭有圃田是也東西

五十里南北二十六里澤西有長城

水京注十家溝出京縣東南梅山北溪春秋右迴梅
山即是山也其水自溪東北流逕管城西故管國也
左傳晉師救鄭楚次管以待之杜預曰京縣東北有
管城者是也俗又謂之管水東北分為二水一水東
北流注黃雀溝謂之黃淵淵周百步其一水東越長
城東北流水積為淵南北二里東西百步謂之百尺
水北入圃田澤

今京索二水竝川流勢改後唐同光二年詔蔡州刺
史朱勅浚索水通漕宋屢浚京索二水為東京開封

府今水河之源方輿紀要云鄭水源出梅山京索二水自滎陽而東合于鄭水又東北至中牟縣溉田千餘頃其餘水下入于汴

濮渠故瀆者有二其一首受枝津其一首受河竝導而東合為一川

濮渠首受滎水枝津于封邱縣西南東北流引資灌溉又東經長垣縣西南匡城北城去縣十五里史記孔子自匡至蒲者也述征記曰匡城周三里又東北別濮水首受河于延津縣西北東北流經酸棗城南城在縣北十五里漢縣也又東經胙城縣西南又東

至長垣縣與濮渠合

水經注濮水上承濟水于封邱縣即地理志所謂濮渠首受濟者也闕駟曰首受別濟即北濟也其故瀆自濟東北流左也為高梁陂方三里濮水又東逕匡城北孔子去衛適陳遇難于匡者也又東北左會別濮水受河于酸棗縣故杜預云濮水出酸棗縣首受河竹書紀年魏襄王十年十月大霖雨疾風河水溢酸棗鄆漢世塞之故曰文陘酸棗也今無水其故瀆東北逕南北二棗城間左傳襄公五年楚子囊伐陳公會于城棗以救之者也濮渠又東北逕酸棗故城

南韓國矣漢官儀曰舊河隄謁者居之城西有韓王望氣臺濮水北瀦成陂陂方五里號曰同池陂又東逕胙亭東注故胙國也富辰所謂邢茅胙祭周公之脣也濮渠又東北逕燕城內故南燕姑姓之國也縣東為陽清湖陂南北五里東西三十里亦曰燕城湖逕桃城南城在延津縣北括地志桃城在胙城縣東四十里即戰國策所謂酸棗虛桃者也而東注于濮俗謂之朝乎溝

又東岐而二右瀆東流左納句瀆水而注鉅澤

濮渠又東北酸水首受河于延津縣西北東流經酸棗城北又東經胙城縣西又東經滑縣西南滑臺城

南通鑑注滑臺城在白馬縣西南是也又東南經瓦亭南杜預曰燕縣東北有瓦亭是也在今滑縣南又東南至長垣縣西入于濮濮渠又東經長垣縣北故蒲城也春秋齊侯衛侯胥命于蒲子路為蒲宰皆即此矣又東經常城南城在滑縣東南五十里故豕常國也彭姓夏孔甲時以劉累更豕常之後竹書劉累遷魯縣帝皋召豕常復其國賈逵曰武丁滅豕常以劉累之後代之然則兩廢而兩更也周定王五年河徙後大河經城下其津曰常津字亦作坭漢白馬縣地隋開皇十六年置常城縣金時圯于水縣廢濮渠

又東經故長垣城北漢縣也在今縣東北三十五里
隋改置于故城西南十七里婦姑城名縣曰匡城五
代梁復曰長垣金初徙治柳塚村在今縣東北七里
明洪武初以水患徙治蒲城又東北經祭城北又東
分為二水右渠東經滑縣東南須城北城去縣二十
八里又東經開州西南濮陽城北城去州三十里漢
縣也又東經荷澤縣西北離狐城南城去縣四十里
與東明縣東南接境漢縣也又東經曹縣西北葭密
城北城去縣三十里漢縣也又東北經鹿城南城在
縣西北又東北句瀆首受濮水枝津東南流經句陽

城南城在曹縣北三十里漢縣也又東入于濮又東
注鉅野澤

水經注濮渠又東北酸水故瀆首受河于酸棗縣東
逕酸棗城北延津南謂之酸水竹書紀年韓襄敗秦
胡于酸水者也又東北逕燕城北又東逕滑臺城南
又東南逕瓦亭南春秋公會晉師于瓦魯尚執羔自
是會始也又東南會于濮世謂之百尺溝濮渠之側
有漆城在長垣縣西二十里或亦謂之苑濮亭又有桂城亦曰
桂陵史記齊威王使田忌擊魏之桂陵濮渠又東逕
蒲城北故衛之蒲邑又東逕帝城南即白馬縣之帝

鄉也城西出而不方城中有六大井皆隧道下俗謂之江井也有馳道自城屬于長垣濮渠東絕馳道逕長垣縣故城北衛地也故首垣矣秦更今名陳留風俗傳曰縣有防垣故縣氏之縣有祭城濮渠逕其北鄭大夫祭仲之邑也圜稱又言長垣縣有羅亭故長羅縣也有長羅澤有長羅岡蘧伯玉岡陳留風俗傳曰長垣縣有蘧伯鄉在縣東有蘧亭伯玉祠伯玉冢在縣東南十里濮渠又東分為二瀆北瀆出焉又東逕須城北詩云思須與曹也又北逕襄邱亭南又東逕濮陽縣故城南又東逕濟陰離狐縣故城南又東北逕鹿城南又東句瀆首受濮水枝渠于句陽縣東南逕句陽縣故城南春秋之穀邱也左傳以為句瀆之邱矣縣處其陽故縣氏焉又東入乘氏縣左會濮水與濟同入鉅野

左瀆東流枝津右出為句瀆又東北合于羊里水

左渠實濮之故瀆水經注以為枝津其水東經鉏邱城南又東經浚城南城在開州西南又東枝別為句瀆又東北經曹縣北垂亭西左氏春秋謂之犬邱杜預曰句陽縣東北有垂亭是也又北合于羊里水漢志陳留郡封邱濮渠首受沛東北至都閔入羊里水

過郡三陳留濟陰山行六百三十里是也都閔故城在今

濮州東南與荷澤縣東北接境濮水于都閔城東會

羊里水濮本河濟之別流歷代河徙其流久湮不復

可尋

水經注瓠于河章瓠于北有都閔縣故城縣有羊里

亭瓠河逕其南為羊里水又東右會濮水枝津水上

承濮渠東逕鉏邱城南京相璠曰今濮陽城西南十

五里有沮邱城六國時沮楚同以為楚邱非也又東

逕浚城南而北去濮陽三十五里城側有寒泉岡即

詩所謂爰有寒泉在浚之下京相璠曰濮渠故道在

濮陽南者也又東逕句陽縣西句瀆出焉濮水枝津

又東北逕句陽縣之小成陽縣故東垂亭西而北入

瓠河

瓠河



水地記

淮水出桐柏山

淮水出桐柏縣西北胎簪山山去縣三十里即桐柏

之枝巒也地志云縣西三十里有淮井石砌水池方

七尺許有泉三處湧出即于池側伏流地中經六七


里成川桐柏山在縣東一里南接隋州界西接康陽

界奇峰秀舉大復山在縣東三十里亦桐柏之縣亘

漢志南陽郡平氏禹貢桐柏大復山在東南淮水所

出東南至淮陵當作陰入海過郡四謂南陽汝南行三

千二百四十里平氏故城在今桐柏縣西北四十里



水經淮水出南陽平氏縣胎簪山東北過桐栢山注
云山海經曰淮出餘山在朝陽東今新野縣西義鄉
西即義鄉尚書導淮自桐栢風俗通曰南陽平氏縣桐
栢大復山在東南淮水所出也淮水與醴水同源俱
導西流為醴東流為淮潛流地下三十許里東出桐
栢之大復山南謂之陽口水南則復陽縣也闕駟言
復陽縣湖陽之樂鄉也元帝元延二年置在桐栢大
復山之陽故曰復陽也今桐栢縣東山南有淮源廟
故經云東北過桐栢也
東流九渡水出雞翅之山南來注之泚水西南來注之

淮水循山麓東流經信陽州北去州治四十五里九渡水出
州南雞翅山山去州治九十里亦呼雞頭山其水北
流迤東入于海今合于泚水泚水出隨州黃土山東北
流經信陽州賢首山西山在州西南七里有梁王壘
南齊建武二年魏遣劉昶攻義陽王廣之赴救去城
百里而軍別將蕭衍請先進率精兵間道夜發徑上
賢首山去魏軍數里魏人不敢逼梁天監二年魏元
英寇義陽司州刺史蔡道恭遣將楊由帥城外居民
保賢首山為三柵為魏所陷泚水又北屈而東南經
冥山北山在州東南七十里左氏春秋大隧直轅冥

阨胥在是間吳師自豫章與楚夾漢左司成謂子常曰子沿漢而與之上下我悉方城外以毀其舟還塞大隧直轅冥阨子濟漢而伐之我自後擊之必大敗之七國時魏公子無忌說安釐王曰秦伐楚道涉山谷行三千里而攻冥阨之塞所行甚遠所攻甚難三隘道又統謂之城口楚子皇言塞城口而還是也南北朝時義陽三關為保淮西險要西曰平靖關西北去信陽州九十里南去應山縣六十里即楚之冥阨東曰武陽關西北去信陽州百五十里西南去應山縣百三十里又名灃山關即楚之大隧南曰黃硯關

北去信陽州九十里南去應山縣亦九十里又名百

鴈關亦呼九里關即楚之直轅而義陽城在信陽州南四

十里梁天監二年魏將元英等攻義陽司州刺史蔡

道恭拒守三年道恭設義陽尋降于魏魏因改置郢

州治焉七年魏三關戍主侯登以城降梁梁司州刺

史馬儂理謀固三關使其將馬廣屯長簿胡文超屯

松峴長簿在武陽關北松峴在黃峴關北八年魏元英將取三關至義

陽策之曰三關相須如左右手若克一關兩關不待

攻而破攻難不如攻易宜先攻東關武陽關在東又恐其

并力于東使李華向西關平靖在武陽之西故曰西關分其兵勢

英自督諸軍向東關至長簿長簿潰乃圍武陽克之
進攻黃峴及西關梁將皆走普通五年遣將李國興
攻魏平靖關楊乾攻武陽關及黃峴關克之進圍郢
州不克三關尋入于魏黃震有言彼得信陽將與我
分險而守營要坡以抗武陽要坡在武陽營鷄頭以
抗平靖營石門以抗黃峴石門關山亦近是舉三關棄
之也泲水又東迤北注于淮

水經注又東迤義陽縣南對固成山山有水注流
數丈洪濤灌山遂成巨井謂之石泉水北流注于淮
淮水又迤義陽縣故城南義陽郡治也世謂之白茅

城其城圓而不方闕駟言晉太始中割南陽東鄙之

安昌平林平氏義陽四縣置義陽郡于安昌城在今

州東北有九渡水注之水出鷄翅山溪澗潒委沿溯

九渡溪之東山有一水發自山椒下數丈素湍直注

頽波委壑可數百丈望之若霏幅練矣下注九渡水

九渡水又北流注于淮

水經淮水章東過江夏平春縣北注云淮水又東油

水出縣西南油溪東北流迤平春縣故城南城在州

太原中改又東曲岍北有一土穴徑尺泉流下注沿

波三丈入于油水亂流南屈又東北注于淮淮水又

東北逕城陽縣故城南魏城陽郡治又東北大木水

出大木山在州南山即晉車騎將軍祖逖自陳留將

家避所居也七里山字士雅後因以名其水東逕成縣北

而東入于淮淮水又東北流左會湖水傍川西南出

窮谷得其源也淮水又東逕安陽縣故城南江國也

羸姓今其地有江亭淮水又東泲水南出大潰山東

北流翼帶三川亂流北注又北逕賢首山西又北出

東南屈逕仁順城南故義陽郡治分南陽置也在信

南本治在石城山上因梁希侵逼徙治此城齊司州

刺史馬鮮卑不守魏置郢州也泲水東南流歷金山

北山無樹木峻峭層峙又東逕義陽故城北城在山

上因倚陵巔周迴三里是郡昔所舊治城城南十五

步對門有天井周百餘步深丈東逕鍾武故城南在

東又東逕石城山北山甚高峻史記曰魏攻冥阨音

義曰冥阨或言在鯁縣箱山也按呂氏春秋九塞其

一也泲水逕鄆縣故城南城在羅山縣西又東逕七

井岡南又東北注于淮

東經戈山之陰

淮水又東逕確山縣南去縣治四十里羅山縣北去縣治二十里又

東經真陽縣南去縣治八十里又東經息縣南去縣治五里戈山北

山南去光山縣八十里

水經注淮水又東至谷口谷水南出鮮金山北流至
瑟水出西南具山東北逕光淹城東而北逕青山東
羅山西東北流注于谷水谷水東北入淮水

水經淮水章又東逕當作新息縣南注云淮水東逕

故息城南春秋鄭息有違言者也城在今息縣西南七里又東

逕浮光山北亦曰扶光山即戈山也又名浮戈山相傳有濮公者隱

亦呼濮逕新息縣故城南應邵曰息後徙東故加新

也謂自東西又東慎水出慎陽縣西而東逕慎陽縣故

城南城在東今正陽縣北四十里顏師古曰慎字本作

單作真知其音不改也閩輿云永又東流積為焦陂

陂水又東南流為上慎陂又東為中慎陂又東南為

下慎陂皆與鴻卻陂水散流其陂首受淮川左結鴻

陂漢成帝時翟方進奏毀之建武中汝南太守鄧晨

欲脩復之知許偉君曉知水脈召與議之偉君言成

帝用方進言毀之是後民失其利遂署都水掾起塘

四百餘里百姓得其利陂水散流下合慎水而東南

逕息城北又東南入淮謂之慎口淮水又東陂水上

承申陂于新息縣北東南流分為二水一水逕深邱

西又屈逕其南南派為蓮湖水南流注于淮淮水又

左迤流結兩湖謂之東西蓮湖淮水又東右合壑水
水出白沙山東北迤柴亭西俗謂之柴水又東北流
潭溪水發潭谷東北流右合柴水柴水又東迤黃城
西故戈陽縣也城內有二城西即黃城也柴水又東
北入于淮謂之柴口也淮水東北申陂枝水首受陂
水于深邱北東迤釣臺南臺在水曲之中臺北有琴
臺又東迤陽亭南東南合于淮淮水又東迤淮陰亭
北又東迤白城南楚白公勝之邑也在今息縣東東北去
白亭十里淮水又東迤長陵戍南又東青陂水分青
陂東瀆陂在新蔡縣西南東南迤白亭西又南于長陵戍東

東南入淮

又東黃武山水陵山之水西南來合流注之

又東經光州北去州治六十七里黃水出麻城縣西北黃武

山東北流水陵關水出縣西北水陵山山去縣八十

里山上有關城自關北至光山縣百三十里宋史李

埴奏復五關言水陵關山路峭壁委折而上是也亦作

穆陵其水西北注于黃水黃水又東北經光山縣南

去縣治俗呼官渡河又東北縣南百里金泉山之水

俗呼梅林河東北流注黃水黃水又東北經光州城

西北入城東出昔時引渠資溉黃水自城東屈而北

注于淮

水經注淮水又東北黃水出黃武山東北流水陵關

水導水陵山西北流注于黃水黃水又東逕晉西陽

城南在光山縣西又東逕南光城南光郡治又東北

逕弦城南故弦國也在今光州西南又東北逕戈陽郡北魏

郡其故城在今光州西北東有虞邱又東北入于淮謂之黃口淮

水又東北逕襄信縣故城南而東注襄信城在息縣東北七十里值

光州之北

東得汝口

淮水又東北經固始縣北去縣治七十里淠水出麻城縣山

中北流經光州西南陰光關關在長風城之北亦曰

南關梁天監中魏田益宗議取義陽曰二豫之軍直

指南關者也唐史陰山關在黃州麻城縣東北地境

相接矣又東北經州東去州治三十里又東經固始縣南又

東北入于淮淮水又東北經朱臯鎮南汝水注之元

至正十一年劉福通攻潁州據朱臯攻羅山上蔡等

縣是也在固始縣東北六十里阜陽縣南百二十里

水經又東過期思縣北注云縣故蔣國周公之後也

楚滅之以為縣城之西北隅有楚相孫叔敖廟淮水

又東北淠水出戈陽縣南垂山西北流歷陰山關逕

二城間西北出山又東北流逕新城戍東又東北得

詔虞水口西北去戈陽虞邱郭二十五里水出南山

東北流逕詔虞亭東而北入泅水又東北注淮俗曰

白鷺水方輿紀要光州白露河在州東三十里源出

縣界舊志云源出麻城縣之分水嶺北流又東入固始

而東北出固始縣春河在縣南十五里出商城縣馬

韋山東流入淮白露河在縣西南三十里自州境入

合于春河有白露河土壩天旱則築壩障水入王道

堰十有七水經淮水章東過原鹿縣南汝水從西北來注之注

云縣即春秋鹿上也今太和縣西

又東決水灌水西南來合流注之

淮水又東經霍邱縣北去縣治三十里決水出縣西南巴山

漢志六安國安豐禹貢大別山在西南廬江郡雩婁

決水北至蓼入淮許叔重說文解字曰廬江有決水

出于大別山今縣西南八十里有雩婁城左氏春秋

楚使蘧啟疆待命于雩婁以備吳者也其南即大別

山班孟堅以為禹貢之大別非也巴水與決水同出

是山南北分流亦呼分水山決水北流纏給縣西而
西北注後代謂之史水劉宋元嘉二十五年以豫州
蠻戶置史水縣在今霍邱縣
北水有二源出商城縣南大小牛山山去縣治七十
里二川雙導行六十里而合東北經固始縣南去縣
九

十引資灌溉志云史河入境分為二支上一支曰清
里一名清河中開承上閘為啟閉分入勝湖共灌塘堰
一有六今多湮廢勝湖在縣東南六十里又東北經縣
亦有六今多湮廢勝湖在縣東南六十里又東北經縣
有六今多湮廢勝湖在縣東南六十里又東北經縣
東去縣治又東北商城縣西南十里解山之水北流
經縣西北為潭曰龍潭又北經固始縣西去縣治又
東北經縣北而東注于史水俗呼曲河方輿紀要固
地名石嘴頭天旱則築以障水東入串子等堰灌湖
堰十有口而勝湖一帶之水利塞北淤三七矣
河之得患均利二閘塞邑之水利十失六七矣
史水又東經霍邱縣西合決水蓋山源遠溯川流
同注故互受通稱灌水出商城縣東大蘓山山去縣

治四十里東北流經固始縣南去縣治又東北逕霍
邱縣故蓼城西而北注于決水城在縣西北與固始
縣接壤漢志六安國蓼故國臯陶後為楚所滅廬江
郡下云金蘭西北有東陵淮水出金蘭故縣名淮當
作灌轉寫訛失耳決水又北入于淮
水經決水出廬江雩婁縣南大別山注云俗名之為
檀山峴蓋大別之異名也其水歷山委注而絡其縣
也

水經北過其縣東注云縣故吳地春秋左傳楚子秦
人侵吳及雩婁間吳有備而還是也晉書地道記云

在安豐縣之西南即其界也

水經又北過安豐縣東注云決水自雩婁北逕雞備亭春秋吳敗諸侯之師于雞父者也安豐縣故城今邊城郡治也晉立安豐郡決水自縣西北流經蓼縣故城東又逕其北又西北灌水導源廬江金蘭縣西北東陵鄉大蕪山褚先生所謂神龜出于江灌之間嘉林之中蓋謂此也灌水東北逕蓼縣故城西而北注決水決水又北右會陽泉水水受決水東北流逕陽縣故城東城在霍邱縣西九十里故陽泉鄉也又西北流入決水謂之陽泉口方輿記要云亦謂之陽宣口

水經又北入于淮注云俗謂之澮口非也斯決灌之口矣蓋灌澮聲相倫習俗害真耳

又東窮水西南來注之

淮水又東經潁上縣南去縣治二窮水出霍邱縣西

南東北流注于淮縣西南三十里有棗林塘周六里是為窮水之源

水經淮水章又東過廬江安豐縣東北決水從北來

注之注云廬江故淮南也應邵曰故廬子國也決水

自舒蓼北注不于北來也安豐東北注淮者窮水矣

又非決水皆誤耳淮水又東谷水上承富水東南流

逕原鹿縣故城北城側水南谷水又東逕富陂縣故

城北十三州志曰漢和帝永元九年分汝陰置多陂塘以溉稻故曰富陂縣也谷水又東于汝陰城東南注淮水又東北左會潤水水首受富陂東南流為高塘陂又東積而為陂水東注焦陵陂陂水北出為鮑陂陂水潭漲引瀆北注汝陰四周隍塹下注潁水焦湖東注謂之潤水逕汝陰縣東逕荆亭北而東入淮水今阜陽縣南三十里有小潤河縣南五十里有大潤河東南流合為一川又東南經潁上縣西南去縣治四十里又東北窮水入焉水出六安國安豐縣窮谷俗在霍邱縣西南三十里春秋楚救濬司馬沈尹戌與吳師遇于窮谷者也川流泄注于決水之右北

灌安豐之左世謂之安豐水亦曰窮水音戎竝聲相近字隨讀轉流結為陂謂之窮陂塘堰雖淪猶用不輟陂水四分農事用康北流注于淮京相璠曰今安豐有窮水北入淮淮水又東為安豐津水南有城故安豐都尉治後立霍邱戌淮中有州俗號閔州又東北水出天柱山南來注之

淮水又東經壽州西北水出霍山縣南天柱山山去縣五里史記封禪書元封五年冬廵南郡至江陵禮瀟之天柱山號曰南岳故是山亦襲衡山之稱瀟南衡又云霍山為南岳郭璞曰霍山今在廬江瀟縣瀟水出焉別名天柱山漢武帝以衡山遠曠故移其

神于此今彼土俗人皆呼之為南岳南岳本自以兩
山為名非徒近來也而學者多以此言謂武帝在爾雅
又云漢武帝來始乃名之即如徐靈期記云衡山為南
前乎斯不矣胡軫名曰按瀟霍之山為其副焉故
岳其來尚矣至于軒轅乃以瀟岳曰衡山初無二名釋
爾云霍山為南岳此蓋本方士家言漢武信之遂移
衡山一條當是漢人所附益璞據不經之言以衡山一
後一山祭於瀟霍其實南岳曰衡山初無二名釋山
名霍山自古已漢人所附益璞據不經之言以衡山一
由漢武帝不亦謬乎漢志廬江郡瀟天柱山在南有
祠泚山泚水所出北至壽春入芍陂故瀟城在縣東
北三十里泚山即天柱山之別巒也其水北流經縣
東又西經六安州西又北經固始縣南去縣治五十里屈而
東南經霍邱縣南又屈北迤其東去縣治五十里又北經壽
州西入于淮楚相孫叔敖引泚水作期思陂為子午
渠開六門灌田萬頃淮南子曰孫叔敖決思期之水
灌雩婁之野者也一名芍陂在今壽州東南六十里
故漢志謂泚水至壽春入芍陂漢建初八年王景徙
廬江太守郡界有故芍陂稻田景驅率吏民脩起蕪
廢灌田可萬頃由是境內豐給建安五年劉馥為揚
州刺史鎮合肥廣屯田脩芍陂茹陂七門吳塘等竭
以溉稻田公私有積歷代為利後鄧艾重脩芍陂堰
山谷之水旁為小陂五十餘所沿淮諸鎮並仰給于
此晉永和九年姚襄自淮南進據芍陂尋徙屯于盱
眙伏韜曰龍泉之陂良疇萬頃謂芍陂也宋元嘉七

年長沙王義欣為豫州刺史鎮壽陽芍陂久廢義欣
脩治隄防因舊溝引泚水入陂溉田萬餘頃無復旱
災隋開皇中趙軌為壽州長史芍陂舊有五門堰軌
更開三十六門灌田五千餘頃元和志芍陂周三百
二十四里徑百里元至元二十一年江淮行省言安
豐芍陂可溉田萬頃若立屯開耕寔為便益從之于
安豐立萬戶府屯戶萬四千八百有奇

水經淮水章又東北至九江壽春縣西泚水泄水舊
作泚水合北注之又東潁水從西北來流注之注云
洪水淮水又東左合泚口

水經泚水出廬江瀟縣西南霍山東北注云泚字或
作潁東北逕博安縣泄水出焉

水經東北過六縣東注云潁水東北右會踰鼓川水
水出東南踰川西北流左注潁水潁水又西北逕馬

亭城西又西北逕六安縣故城西縣故谷陶國也夏
禹封其少子奉其祀今縣都陂中有大冢民傳曰公
琴者即舉陶冢也楚人謂冢為琴漢高帝二年別為

衡山國武帝元狩二年為六安國晉太康三年廬江

郡治今為六安州潁水又西北分為二水出焉又北逕五

門亭西西北流逕安豐縣故城西今霍邱縣西南二

又北濡水亂流西北注

水經北入于淮注云水之決會謂之汜口

水經泄水出博安縣注云博安縣地里志之博鄉縣

也泄水自縣上承汜水于麻步川西北歷濡溪謂之

濡水

水經北過芍陂西與汜水合注云泄水自濡溪口安

豐縣北流注于潁今泄水

東至于潁尾

淮水又東經東西正陽鎮得潁水是為潁尾左氏春

秋楚子狩于州來次于潁尾是也東正陽在壽州西

六十里西正陽在潁上縣東南八十里夾淮兩岍

水經注淮水章又東逕中陽亭北為中陽渡水流淺

磧可以厲也淮水又東流與潁口會

又東肥水出鷄鳴山南來注之

淮水又東北肥水出合肥縣西雞鳴山去縣四十

里上有龍井唐建中四年淄青帥李納叛斷淮西運

道水陸運使杜佑請改疏潁水通漕因言廬壽間有

水道而平岡互其中曰鷄鳴山請疏其兩端以通舟

中登陸四十里而近則江湖黔嶺蜀漢之粟可方舟

而下也議未及行肥水自山北流二十里分為二右

瀆東南流至城西俗呼金斗河即施水也貫城而東
枝津左出西流又分為二其一西注肥水其一西北
流為陽湖又西北亦入肥水施水自枝津又東流五
十里注于巢湖亦曰焦湖湖周四百餘里合肥舒城
廬江巢四縣之境環之吞納衆川導為石梁濡須馬
腸裕溪等川以注于江肥水左瀆又北經霍邱縣東
南又北右納施水枝津左佩芍陂又東北經壽州城
東又迤而西北經城北又西迤北入于淮謂之肥口
去州治十里
水經注淮水章東南迤倉陵北魏書地形志壽又東

春有倉陵城

北流迤壽春縣故城西楚考烈王自陳徙此秦九江
郡治壽今為蕪得廬江豫章之地故以九江名郡文潁
曰史記貨殖傳曰淮已北沛陳汝南南郡為西楚彭
城已東東海吳廣陵為東楚衡山九江江南豫章長
沙為南楚其為三楚者也淮水又北左合椒水水上
承淮水東北流迤地南又歷其城東亦謂之清水
東北流注于淮謂之清水口
水經淮水章又東過壽春縣北肥水從縣東北流注
之注云淮水于壽陽縣西北晉孝武改壽肥水從城
而北入于淮謂之肥口

水經肥水出九江成德縣廣陽鄉西注云肥水出良
餘山俗謂之連枷山亦或以為獨山也方輿紀要廬
大蜀山爾雅云獨者蜀山卓然孤立登其北流分為
巔遠見二百餘里又西二十里曰小蜀山北流分為
二水施水出焉肥水又北逕獲城東城在霍邱又北
逕荻邱東右會施水枝津首受施水于合肥縣城東
西流逕成德縣注于肥水

水經北過其縣西北入芍陂注云肥水自荻邱北逕
成德縣故城西城在霍邱又北逕芍陂東又北逕死
馬塘東芍陂瀆上承井門與芍陂更相通注故經言
入芍陂矣肥水又北右合澗澗水上承施水于合肥

縣北流經浚道縣西城在合肥縣東北七十趙宋紹
興三十二年改曰梁縣志云水積為陽湖陽湖水自
浚道城在梁縣西三十里

塘西北逕死虎亭南宋秦始皇二年劉順等東據宛塘
也齊永元三年魏蕭懿遣禪將胡松屯死夾橫塘西
虎即此死虎壘在今壽州東四十餘里

注水分為澗二洛澗出焉黎漿水受芍陂陂水上承
澗水于五門亭南別為斷神水又東北逕神迹亭東又北謂
亭為二水之會斷神水又東北逕神迹亭東又北謂
之豪水雖廣異名事實一水又東北逕白芍亭東積
而為湖謂之芍陂陂周百二十許里在壽春縣南八
十里言楚相孫叔敖所造陂有五門吐納川流西北

為香門陂水北逕孫叔敖祠下謂之芍陂瀆又北分
為二水一水東注黎漿水黎漿水東逕黎漿亭南梁
通五年裴邃拔荻城又東注肥水謂之黎漿水口
拔甕城進屯黎漿即此水經又北過壽春縣東注云肥水自黎漿北逕壽春
縣故城東為長瀨津又西北右合東溪溪水引瀆北
郭東北隅阿之榭也東側有一湖三春九夏紅荷覆
水引瀆城隍水積成潭謂之東臺湖亦肥南播也肥
水西逕壽春縣城北石合北溪水導北山泉源下注
漱石頽隍水上長林插天高柯負日溪水西南注于
肥水

水經北入于淮注云肥水又西分為二水右即肥之
故瀆過為船官湖肥水左瀆又西逕石橋門北亦曰
草市門外有石梁渡北洲湖北對八公山山無樹木
惟童阜耳山上有淮南王劉安廟有隱石室井肥水
又左納葛陂瀆瀆水自黎漿分水引瀆壽春北逕芍
陂門右北入城瀆水又北逕相國城東劉武帝伐長
安所築也又北出城注肥水又西逕金城北又西左
合羊頭溪水水受芍陂西北歷羊頭溪謂之羊頭澗
水北逕熨湖左會烽火瀆瀆受淮于烽火村南下注羊
頭溪側逕壽春城西又北歷象門自沙門北出金城

西門逍遙樓下北注肥瀆肥水北注舊瀆之橫塘為
玄康南路馳左通船官坊也肥水逕玄康城西北流
注于淮是曰肥口

水經施水亦從廣陽鄉與肥水別東南入于湖注云
受肥于廣陽鄉東南流逕合肥縣又東分為二水枝
水北出為下注陽淵即陽湖施水又東逕湖口戍東注

巢湖謂之施口

東北至峽口

淮水又北夏肥水上承沙水于亳州境北來注之漢
志沛郡城父夏肥水東南至下蔡入淮是也城父故

城在今亳州東南七十里下蔡故城在壽州北三十
里里道記下蔡西抵正陽鎮五十五里今下蔡城西
南十里有水俗呼西肥河東流十里入淮而亳州南
百五十里有水俗呼淝河積潦成川東南流經蒙城
縣北去縣治三十里又東南經懷遠縣北去縣治十五里又東南宿州
南九十里龍山湖之水導而東南流俗亦呼淝河經
懷遠縣東北去縣治二十里又東南合右水而東南入于淮
蓋黃河變徙後穎尾已東之水源流斷瀆非復故道
矣淮水又東北經硤口夾淮據險設硤石戍東南去
壽州二十五里三國魏甘露元年諸葛誕據壽春司

馬昭遣王果軍硤石以逼之晉大元八年苻堅侵壽
春晉將胡彬赴援聞城陷因退保硤口梁天監十四
年趙祖悅襲魏西硤石據之以逼壽陽更築外城徙
緣淮之民以實城內明年魏揚州刺史李崇作浮橋
于硤石戍間陳大建五年吳明徹等伐齊軍至硤口
克其北岍城南岍守者棄城走蓋硤石二城自古為
險要矣

水經注淮水又北夏肥水注之水上承沙水于城父
縣右出東南流逕城父縣故城南城在今亳州縣故
焦夷之地春秋左傳昭公九年楚公子棄疾遷許于

夷實城父杜預曰此時改城父為夷者也以夷田在

濮水西者與城父人然則濮水即沙水之兼稱得夏

肥之通目矣夏肥水自縣又東逕思善縣之故城南

又東為高陂又東為太宗陂在下蔡城西水出分為

二流南為肥水北為難陂夏肥水東流左合雞水水

雞陂東流為黃陂又東南流積為茅陂即濬陂王伯

蔡西北六十里有黃陂八十里有雞陂東北八又東

為雞水呂氏春秋宋人有取道者其馬不進投之雞

水是也雞水又會肥水而亂流東注于淮淮水又北

逕山硤中謂之硤石對岍山上結二城以防津要

又東北經莫邪山西過沙汭歷塗山荆山左得過口

淮水又東北經趙步南步在壽州東北自州西北二

五里花壓鎮沿淮東北下百餘里抵趙步坎圻為道

以上下謂之步又東北抵梁城灘又東北二十五里

抵洛洛澗水出定遠縣西九十里青河澗西北流經

壽昌東境又北經懷遠縣西南注于淮其地有洛河

鎮去縣七十里淮水又東北經鳳陽縣西南莫邪山

西山去縣八十里又東北經懷遠縣南沙水注之又

東北歷塗山西荆山東而北注塗山在懷遠縣東南

八里荆山在縣治西南城跨其上方輿紀要淮水在

縣東南一里介在荆塗兩峽間今名洪頭有巨石橫

互若門限每冬水淺則見淮水出峽過水注之謂之

過口

水經注淮水又北經下蔡縣故城東本州來之地也

吳季札始封延陵後邑州來故曰延州來矣春秋哀

公二年蔡成公自新蔡遷于州來謂下蔡也淮之東

岍又有一城下蔡新城也通典梁于峽石山下築城以拒魏即下蔡新城也

二城對據翼帶淮濱淮水東迳八公山北歷潘城南

置潘溪戍戍東側潘溪吐川納淮更相引注又東迳

梁城在今鳳陽縣西南九十里通鑑注臨側淮川

左有渚城淮水左也為渚湖淮水又右納洛川于西
曲陽縣北水分閭溪北流絕橫塘北逕蕭亭東又北
鵲甫溪水出鵲甫谷西北逕鵲甫亭南西北注于洛
水北逕西曲陽縣故城東應邵曰縣在淮曲之陽下
邳有曲陽故是加西也城在今定遠縣西北九十五里中有志壽州東北八十三
里有西曲陽故城洛澗北歷秦壚下注淮謂之洛口經所謂
淮水逕壽春縣北肥水縣東北注者也蓋經之謬矣
考川定土即實為非是曰洛澗非肥水也淮水又北
逕莫邪山山西山在今鳳陽縣西南八十里山南有陰陵故城在今定遠縣西北六十里後漢九江郡治

水經淮水章又東過當塗縣北過水從西北來注之
注云淮水自莫邪山東北逕馬頭城北魏馬頭郡治
故當塗縣之故城也呂氏春秋曰禹娶塗山氏女不
以私害公自卒至甲四日復往治水故江淮之俗以
辛壬癸甲為嫁娶日也禹娶在山西南縣即其地也
城在今懷遠縣西南二十里通鑑注云當塗故城南北朝兵爭之際為馬頭郡輿程記云今縣西二十二里地名馬頭城為淮水又東北濠水出莫邪山東北來渡淮者必經之地淮水又東北濠水出莫邪山東北
溪溪水西北引瀆逕禹墟北又西流注于淮淮水又
北沙水注之淮之西岍有平阿縣故城在今懷遠縣北三十里
郡國志平阿縣有當塗山郡國志無當字淮于荆山之左當

塗之右奔流二山之間而揚濟北注也淮水于荆山之北過水東南注之又東北逕沛郡義城縣東故城在懷

遠縣東北十五里

又東濠水出鍾乳山西南來注之

淮水又東經鳳陽縣北去縣治十里又東經臨淮縣城北

有浮橋自古津要也濠水出鳳陽縣東南七十里鍾

乳山亦呼濠塘山其一源出縣西南莫邪山二川東

北流至三牛城西南五十里昇高山下而合又東北

至城東十五里有石絕水謂之濠梁今呼九虹橋又東北

經三牛城東城自唐已來為濠州治在臨淮縣西南

二里西去鳳陽縣治二十里東去鍾離城六里又東

北經臨淮縣城東而注于淮今呼新河口淮水又東北有

洲曰邵陽洲去臨淮縣十八里又東北有洲曰乘龍

洲去縣四十里又東渙水澮水自西北來合流注之

東經浮山之陰淮水又東北經五河縣東去縣治一里渙

水故瀆首受蕩蕩渠于陳留縣東北東南流經杞縣

南又東南經睢州南又東南經寧陵縣西南柘城縣

東北又東經商邱縣南又東經永城縣南今睢水在

縣南者即渙之故瀆至縣東南乃別于睢已上渙水

無遺迹可尋矣又東經宿州西南去州治五十里又東澮水

自亳州分汴水枝津東流經永城縣南去縣治二十里又東

經宿州西南注于渙已下今亦謂之澮水又東南泡

水自亳州東北舒安湖東流經永城縣南去縣治十五里

又東經宿州南去州治九十里東迤北注渙水渙水又東南

經靈璧縣南去縣治七十里又東南經五河縣治南入于淮

淮水又東潼水出虹縣西羊城湖東南流經縣南又

東南經五河縣東北沱水出宿州東南六十里紫亭

湖東流經靈璧縣西南去縣治四十里又東南經虹縣西又

東南經五河縣北又東注于潼水潼水又東入于淮

淮水又東歷嶢石山南浮山北嶢石山在五河縣東

三十里泗州西百一十里俗呼鐵鎖嶺浮山在盱眙

縣西百四十里亦曰臨淮山通典云浮山去鍾離郡

九十里山下有穴名浮山洞夏潦不能及冬涸不加

高浮山之名亦以此五代周顯德四年破南唐水軍

于洞口即浮山洞口也

水經淮水章又東過鍾離縣北世本曰鍾離羸姓應

邵曰縣故鍾離子國楚滅之以為縣故城在今臨淮縣東四里濠

水出陰陵縣之陽亭北小屈有石穴不測所窮言穴

出鍾乳所未詳也濠水東北流迳其縣西又屈而南

轉東迳其城南又北歷其城東迳小城而北流注于

濠

淮

淮水又東逕夏邱縣南故城在今此又東渙水此處

文西入九里注之渙水又東南流逕雍邱縣故城南

城即今又東逕承匡城在今睢州又東逕襄邑縣故

城南即今睢故承匡襄牛之地宋襄公之所葬故號

襄陵矣西有承匡城春秋會于承匡者也秦始皇以

承匡卑濕徙縣于襄陵也陳留風俗傳曰縣南有渙

水故傳曰睢渙之間出文章天子郊廟御服出焉尚

書所謂厥篚織文也渙水又東南逕己吾縣故城南

城在今寧陵縣又東逕鄆城北今睢州東春秋仲孫

蔑會齊曹邾杞次于鄆杜預曰陳留襄邑縣東南有

鄆城渙水又東南逕鄆城北寰宇記柘城縣北新城

南又東南左合明溝清水自洪陂東南流謂之明溝

下入渙水又逕亳城北帝王世紀曰穀熟為南亳即

湯都也十三州志曰漢武帝分穀熟置春秋宋公子

御說奔于亳者也渙水又東逕穀熟城南城在今商

四十里又東逕揚亭北京相璠曰宋地今睢陽東南三

十里有故楊梁西北去梁國八十里渙水又東逕沛

郡之建平縣故城南城在今永城縣西南章懷太

東逕鄆縣故城南今永城縣南春秋公會諸侯及

二十五

齊世子光于郿今其地郿聚是也渙水又東南逕費亭南又東逕鉅縣故城南城在今宿州南四十六里又東苞水出譙城北白汀陂城在今夏邑縣北三十六里陂水東流逕鄧縣南又東逕鄆縣故城南又東逕嵇山北嵇氏故居嵇本姓奚會稽人也先人自會稽遷于譙之鉅縣故為嵇氏取稽字之上以為姓蓋志本也苞水東流入渙渙水又東南逕蘄縣故城南地理志曰故垂鄉也水上有古石梁處遺基尚存渙水又東逕穀陽縣右會八大故瀆瀆上承汶水南流注于渙渙水又東逕陽穀陽戍南又東南逕穀陽故城東北城在今靈璧縣西北七十五里右

與解水會水上承縣西南解塘東北流逕穀陽城南即穀水也又東北注于渙渙水又東南逕白石戍南逕蛭城南汶水注之水首受蘄水于蘄縣東南流逕穀陽縣八丈故瀆出焉又東長直故溝上承蘄水南會于汶汶水又東南流于汶縣故城北城在靈璧縣城下又東南入于淮淮水又東至嶢石山潼水首受潼縣西南潼陂故僮城在今虹縣東北七十里南逕沛國夏邱縣絕蘄水逕夏邱縣故城西又東南流逕臨潼戍西又東南至嶢石西南入淮淮水又東逕浮山山北對嶢石山

又東經龜山之陰

淮水又東經泗州南去州治一里盱眙縣北去縣治二里又東

北經龜山北顧景范曰泗州與盱眙兩城相距凡七

里自昔為淮流襟束之處汴水自河南界流經州城

東而合于淮謂之汴口宋時以此為漕運要衝今惟

涓流可辨耳由州城而東三十里龜山峙為淮流至

此乃益折而北又二十餘里而洪澤富陵泥整萬家

等湖環匯于淮之東岍淮水泛溢恒在于此州逼淮

而地下故也胡朮明日古汴水東流經彭城縣北而

東入于泗唐貞元中韓愈佐徐州幕有詩云汴水交

流郡城角是其時汴水猶于州城東北隅合泗入淮

也不知何年改流從夏邑永城宿州靈璧虹縣至泗

州兩城間而入于淮宋時東南之漕率由此以達京

師南渡後漸湮元泰定初河行故汴渠仍于徐州合

泗水至清口入淮而泗州之汴口遂廢

水經注淮水又東逕徐縣南故城在泗州西北五十里歷澗水導

徐城西北彼陂陂水南流蘄水逕歷澗西東南流注

于淮淮水又東池水出東城縣東北流逕東城縣故

城南故東城在今定遠縣東五十里又東北歷二山間東北入于

淮謂之池口淮水又東蘄水注之首受睢水于穀熟

城東北城在商邱縣東南四十里東逕建城縣故城北城在亳州東北八十里又東南逕蘄縣故城在今宿州南三十六里縣有大澤鄉在州西南南則洩水出焉蘄水又東南長直故瀆出焉又東入夏邱縣東絕潼水逕夏邱縣故城北又東南逕僮縣南又東流入徐縣東絕歷澗又東逕大徐縣故城南今泗州東北八十里有大徐城括地志云又東流注徐城縣北四十里有大徐城即古徐國無遺迹可尋已下于淮復舊流矣淮水又東歷客山流在盱眙縣東北五里下職淮也相接當淮流之險峻逕盱眙縣故城西通鑑云盱眙山

東北歷洪澤湖又東北得泗水河水徙由淮泗之交已

下河行淮之故瀆矣

淮水又北逕東經洪澤湖西湖在清河縣南六十里

長八十里淮水又東北經清河縣南去縣治泗水自

左注之謂之清口淮自盱眙城北東北至清口百五

十里今河淮會于清口清口已西河行泗之故道也

東行淮之故道也

水經注淮水又東逕廣陵淮陽城北臨泗水阻于二

水之間述征記淮陽太守治今泗州東北百里有淮陽

記云在徐城縣東北

水經淮水章又東北至不邛淮陰縣西泗水從西北來注之注云淮泗之會即角城也魏高閭曰角城去寰宇記角城在宿遷縣東南百一十里左右兩川翼夾二水決入之所所謂泗口也

游水自淮北出歷胸山羽山北迤東注于海故瀆東北經末口又東北枝別為游水又東北入于淮

淮水故道又東北經末口在山陽縣北五里又東北

經安東縣南去縣若二里枝津右出為游水北流沭水左

瀆俗呼北連水自沭陽縣分流東南迤宿州東北相水自嶧縣西東南流經縣南又東南注沭水左瀆又

東南經海州南注于游水游水又北經胸山西山在

州南四里又北經郟城縣東羽山西山去縣治七十

里又北迤東經贛榆縣北又東北入于海漢志臨淮

郡淮浦游水北入海是也淮浦即今安東縣治淮水

又東北入于海

水經淮水章又東過淮陰縣北中川水出白馬湖東

北注之注云淮水右岍即淮陰也城西二里有公路

浦又東迤淮陰縣故城北城在今清河縣東南五里北臨淮水縣

有中瀆水首受江于廣陵郡之江都縣縣城臨江今在

江都縣西南四十里故城已圯于江昔吳將伐齊北霸中國自廣陵城

東南築邗城

寰宇記邗溝城在揚州西四里蜀岡上漢後已荒地謂之蕪城城下掘

深溝謂之韓江亦曰邗溟溝自江東北通射陽湖山

在陽縣東南七十里地理志所謂渠水也西北至末口入

淮自永和中江都水斷其水上承毘陽今儀徵縣東

埭引江入埭六十里至廣陵城通鑑注魏曹丕登廣

城東水上有梁謂之洛橋中瀆水自廣陵北出武廣

湖東俗呼甕子湖陸陽湖今作綠洋湖在高郵州南二

湖東西相直五里水出其間下注樊梁湖在高郵州

里舊道東北至博芝射陽二湖博芝在射陽之西北

出夾邪乃至山陽矣至永和中患湖道多風陳敏因

穿樊梁北口下注津湖津湖在寶應縣南六十里逕渡渡十二里

方達北口直至夾邪興寧中復以津湖多風又自湖

南北口沿東岸二十里穿渠入北口自後行者不復

由湖自廣陵出山陽白馬湖在寶應縣西十五里逕山陽城

西即射陽縣之故城也在山陽縣東南中瀆又東謂之山陽

浦又東入淮謂之山陽口

水經又東兩小水流注之注云淮水左逕泗水國南

故東海郡也凌水注之水出凌縣東流逕其縣故城

東城在宿遷縣東南五十里而東南流注于淮即經所謂小水者

也

水經又東至廣陵淮浦縣入于海注云應邵曰浦所
也蓋側淮濱故受此名淮水于縣枝分北為游水歷
胸縣與沐水合又經胸山西山側有胸縣故城即今海州
治東北海中有大洲謂之郁洲今郁州治洲在海州東北十九
里周數百里通典云游水又北逕東海利城縣故城
郁州即田橫所保又北歷羽山西又北逕祝其縣故
東城在西南六十里又北歷羽山西又北逕祝其縣故
城西城在西南六十里縣之東有夾口浦游水左逕琅琊
計斤縣故城西地理志曰莒子始起于此後徙莒故
世謂之南莒也在贛榆縣北三十里游水又北逕贛榆
縣北故城在今縣北六十里又東北逕紀鄆故城南城在贛榆北七十

五里東北入海爾雅淮別為澣游水亦枝稱者也

水經注沐水南逕建陵山西山在沐陽縣西北百里魏正元中

立大堰遏水西流沐水左瀆自大堰水斷故瀆自下

堰東南逕司吾城東城在今宿遷縣北又東南歷柎口城中

柎水出于楚之柎地春秋會吳于柎京相璠曰宋地

今彭城偃陽縣西北有柎水溝去偃陽八十里東南

流逕偃陽縣故城東北城在今嶧縣南五十里偃陽妘姓也柎

水南亂于沂而注于沐謂之柎口東南至胸縣入游

汝水出大孟山東北經狼臯山之陽

汝水出魯山縣西南孟山山去縣治七十里山頂平

坳四圍若城俗呼大圍城小圍城山其水東北流逕
伊陽縣西南太和山北有太和谷北魏于此置城曰
太和城汝水又東北經伊陽縣南地志云縣南八里有窄口汝水所經也
魯山縣北又東北經汝州西臯狼山南山去州治
六十里州西廣成澤周百里去州四十里漢置廣成
苑于此苑內有溫泉九源東流南注廣成澤澤水東
南入汝汝水又東經州南去州治五里
水經汝水出河南梁縣勉鄉西天息山在伊陽縣西二十里注
云地理志曰出高陵山即猛山也在舞陽縣北定陵城西亦言
出南陽魯陽縣之大孟山唐初改魯山陽曰魯山又言出弘農盧

氏縣還歸山博物志曰汝出燕泉山竝異名也余以
永平中蒙陽魯陽太守會上臺下列山川圖以方誌
參差遂令尋其源流汝水西出魯陽縣之大孟山蒙
柏谷巖鄣深高山岫邃密石徑崎嶇人蹟裁交西即
盧氏界也其水東北流逕太和城城在今伊陽縣西南又東
流逕其北又東屆堯山西嶺下山在魯山縣西四十里水流西
分一水東逕堯山南為澧水一水東北出為汝水歷
蒙栢谷左右岫壑爭深山阜競高夾水層松茂栢傾
山陰渚故世人以名也津流不已北歷長白沙口狹
白溪水注之夾岫沙漲若雪其水南出狹白川北流

注汝水又東北趣狼臯山也

水經東過其縣北注云汝水自狼臯山東出峽謂之

汝阨也東歷麻解城北故鄆鄉城也謂之蠻中左傳

單浮餘圍蠻氏者也俗以為麻解城蓋蠻麻聲讀近

故也今汝州西汝水又逕周平城南京相璠曰霍陽

山在周平城東南者也汝水又東三屯谷水出南山

北流逕石埭東柱側刊曰河南界又有一碣題云洛

陽南界其水又北流注于汝汝水又東廣成澤水出

狼臯山北澤中東南流逕溫泉南溫水數源揚波于

川東南注廣成澤水澤水又東南入于汝汝水又東

得魯公水口水上承陽人城東魯公陂城古梁之陽

人聚也秦滅東周徙其君于此陂水東南流合于澗

水水出北山南流注之又亂流注于汝汝水之右有

霍陽聚汝水逕其北東合霍陽山水水出南山東北

流逕霍陽聚東春秋左傳哀公四年楚襲梁及霍服

虔曰梁霍南鄙也又逕梁城西春秋周小邑也于戰

國為南梁矣故經曰汝水逕其縣北俗謂之治城非

也以北有注城故也今置治城縣治霍陽山又東北

流注于汝汝水又左合三里水水北出梁縣西北而

東南流逕其縣故城西故憲狐聚也在汝州西秦滅

西周徙其君于此因乃縣之杜預曰河南縣西南有
梁城是縣也又東南逕注城南史記魏文侯三十三
年敗秦于注者也在汝州西四十五里括地志又與
一水合水發注城東坂下東南流注三里水又亂流
入于汝汝水又東逕成安縣故城北城在汝州西又東為
周公渡又東黃水出梁山東南逕周承休縣故城東
即今汝州治為承休水漢武帝元鼎四年幸雒陽巡省豫
州觀于周室邈而無祀詢問耆老乃得孳子嘉封為
周子南君以奉周祀其水又東南白茅臺東又南逕
瞿鄉西水積為陂世謂之黃陂東轉逕其城南東流

右合汝水

東迤南得湛水東南枝別為瀆水又東南得泚水

汝水又東南經寶豐縣南去縣治二里又東南為湖廣二

十里名楊家湖志云唐楊汝士居此因名又東南扈澗水出邾縣北扈

陽山山去縣治三十里即大劉山也其水南流經縣

西去縣治十里西南注汝汝水又東南經邾縣南去縣治十里

又東南經葉縣北又東南湛水注之又東南枝津左

出為瀆水又東南經襄城縣西泚水注之又東南經

縣南水南有石堰長五里

水經淮水章又東南逕潁川邾縣南注云汝水東與

張磨泉合水發北阜春夏水盛則南注汝水汝水又東分為西長湖湖水南步五十餘步東西三百步汝水又東扈澗水北出大劉山南逕水蓼堆東邾城西即今邾縣治南流入于汝水又右逕為湖湖水南北八九十步東西四五百步俗謂之東長湖湖水下入汝古養水也水出魯陽縣北將孤山北長岡下數泉俱發東歷永仁三堆南又東逕沙川世謂之沙水歷山符壘北又東逕沙亭南故養陰里也京相璠曰在襄城邾縣西南俗名為之沙城非也城處水之陽而以陰為稱裂溉互移致令川渠易容津途狀改故物望疑

焉又右會董溝水水出沛公壘西六十許步東北注

養水養水又東北入東長湖亂注汝水也汝水又逕

邾縣故城南激水出魯陽縣之將孤出東南流東入

父城縣邾縣西四十里與桓水會桓水出魯陽北出水有

二源竒導于賈復城合一為一瀆逕賈復城北復南

擊邾所築也其水東北流至父城縣北右注激水亂

流又東北至邾入汝汝水東南左合藍水水出陽翟

縣重嶺山今禹州治東南流逕紀氏城西在邾城東

北十餘里其水又東南逕黃阜東而南入汝汝水又

東南白溝水出亭城西而南逕夏亭城西又南逕龍

城西城西北即摩陂也縣在邠南縱廣可十五里魏青龍

元年有龍見于邠之摩陂明帝幸陂觀龍于是改摩

陂曰龍陂其城曰龍城其水又南入于汝汝水又東

南龍山水北流際父城縣故城東又東北流與二水

合俱出龍山北流注之又東北入于汝汝水又東南

逕襄城縣故城南其城南對汜城縣在今襄城京相璠

曰周襄王居之故曰襄城也今置閔于其下汝水又

東南逕西不羨城南縣在襄城又東南逕繁邱城南

而東南注水經又東南過定陵縣北注云汝水又東南逕定陵

縣故城北縣在今舞水右則澧水左入焉左則百尺

溝出矣溝水夾岍層崇亦謂之為百尺隄也自定陵

城北通潁水于襄城縣潁盛則南播汝決則北注在溝

舞陽縣溝之東有澄潭號曰龍淵在汝北四里許南

北百步東西二百步水至清深嘗不耗竭佳饒魚苟

湖溢則東注鄴水矣汝水又東南昆水注之水出魯

陽縣唐山東南流逕昆陽縣故城西又屈逕其城南

城在今葉縣又東逕定陵城南又東注水今昆水于

北二十五里道從矣汝水又東逕奇頽城西北今南潁川郡治也

又東南醴水出衡山西南來注之

汝水又東南經郾城縣北醴水出南陽縣北衡山山
去縣治七十五里其水東流經葉縣北縣西南苦菜
山之水東流注之俗呼燒車水言漢光武燒王尋輜
重于此故因以名又東縣西南方城山之水北流為
陂謂之葉西陂東經城南而東北注于醴水醴水又
東經舞陽縣北又東經郾城縣南又東迤北注于汝
方輿紀要醴河經縣南境至
縣東螺灣渡北流合汝河
水經又東南過郾縣北注云汝水逕奇額城西東南
流其城衿帶兩水側背雙流汝水又東南流逕郾縣

故城北故魏下邑也史記楚昭王伐魏取郾是也今

郾城縣治汝水又東得醴口水出南陽雉山馬融廣成頌

曰面據衡陰指謂是山在雉縣界故世謂之雉衡山

醴水東流歷唐山下即唐鳳所隱之山也醴水又東

南與臯水合水發臯山東流注于醴水醴水又東南

逕唐城北南入城而西流出城又屈而東南逕葉縣

故城北城在今縣東二十里春秋昭公十五年許遷于葉者也

醴水又逕其城東與燒車水合水西出苦菜山東流

側葉城南而下注醴水醴水又東與葉西陂水會縣

南有方城山屈完所謂楚國方城以為城者也山有

湧泉北流畜之以為陂故塘方二里陂水散流又東
逕葉城南而東北注醴水醴水又東注葉陂陂東西
十里南北七里二陂竝諸梁之所竭也陂水又東逕
漁陽縣故城北又東定陵城南東與芹溝合其水導
源葉縣東逕漁陽城北又東逕定陵縣南又東南流
注醴水其水逕流昆醴之間纏絡四縣之中疑即呂
忱所謂峴水也醴水東逕鄆縣故城南左入汝汝水
又東南流逕鄧城西城在鄆城縣東南三十五里亦曰鄧襄城春秋左傳
桓公二年蔡侯鄭伯會于鄧者也
又東南漁水西南來注之

汝水又東南漁水出泌陽縣北平地騰湧東北流經
舞陽縣東南又東北注于汝
水經注汝水又東南流漁水注之
水經漁水出漁陰縣西北扶予山東過其縣南注云
山海經曰朝歌之山漁水出焉東流注于滎經書扶
予者其山之異名乎滎水上承赫水東流左與西遼
水合又東東遼水注之俱導北山而南流注于滎滎
水又東北于漁陰縣北故城在今泌陽縣北十里左會漁水不得
出其縣南城之東有馬仁陂在今泌陽縣西北七十里南與唐縣北接境
陂水三周其湟漁水不得復逕其南也且邑號漁陰

故無出南之理誤無水又東河水注之河字水出雒衡

水南逕建城東建當為卷字讀誤耳郡國志葉縣有

卷城其水又東流入于濩濩水東北逕于東山西西

流入濩上有脫文濩水之左即黃城山也水出黃城山東

北逕方城郭仲產曰苦菜于東之間有方城名方城

東臨溪水苦菜即黃城也及于東通為方城矣世謂

之方城山水東流注濩水盛弘之云葉東界有故城

始犍縣東至觀水達泚陽界南北聯聯數百里號為

方城一謂之長城云酈縣有故城一面未詳里數號

為長城即此城之西隅其間相去六百里若南北雖

無基築皆連山相接而漢水流其南故屈完谷齊桓

公云楚國方城以為城漢水以為池濩水又東北歷

舞陽縣故城南

水經又東過西平縣北注云縣故柏國也其西呂墟

即西陵亭也晉太康地理志曰縣有龍泉水可以砥

礪刀劍特堅利是以龍泉之劍為楚寶也縣出名金

古有鐵官

水經又東過郟縣南注云郟縣故城去此遠矣不得

過

水經又東過定賴縣北東入于汝注云漢安帝永初

二年分南郡之上蔡縣置定潁縣故城在上

又東南瀕水出慈邱之山西來注之

汝水又東南經西平縣城北去縣治二里志云汝水

入城自西水門入由東水門出後數又東南經上蔡

縣西去縣治又東南經汝陽縣西瀕水出唐縣東慈

邱山山去縣治七十里即中陽山也漢志南陽郡舞

所出東至蔡入汝許叔重說文解字瀕水出南陽舞

陽縣中陽山入潁縣當從漢志作舞陰山當從說文

作中其水東北流經舞陽縣南又東南經泌陽縣東

北象河關關去縣百二十里為東出遂平西平北達

舞陽葉之隘道瀕水又東經遂平縣南岐而二其一

東北流濯水出縣南西來注之又東至汝陽縣西北

黃埠西去縣治迤而東南注于汝其一東南流至汝

陽縣西北注于汝

水經汝水章又東南過汝南上蔡縣西注云縣故蔡

國周武王克殷封其弟叔度于蔡世本曰上蔡也故城

在今縣西南十里

水經瀕水出舞陰縣東上界山注云山海經謂之視

水也郭景純注或曰視宜為瀕出葦山許慎云出中

陽山皆山之殊目也而東與此水合此句上水出燕

陰縣旱山東北流注瀕水瀕水又東北殺水出西南

大熱之山東北流入于瀕瀕又東得輿水口水西出

輿山東入于瀕水

水經東過吳房縣南故城即今遂平縣治又東過灤陽縣南城

在遂平注云應邵曰灤水吳房縣東入瀕縣之西北

即兩川之交會也

水經又東過上蔡縣南東入汝

水經灤水出汝南吳房縣西北與山東過其縣北入

于汝注云縣西北有棠溪城故房子國春秋定公五

年吳王闔閭弟夫槩奔走封之于棠谿故曰吳房也

今遂平縣西北百里有棠溪城括地志棠谿城在郟城西南八十五里郟城之西即遂平西北

山谿有白羊淵水淵水下合灤水灤水東逕灤陽縣

故城西東流入瀕水亂流逕其縣南東入于汝

又東南練水出朗山西來注之

汝水又東南練水出確山縣西北朗山宋改曰山去

縣治四十里水出其麓左右多軍壘亦曰黃酉水東

流經汝陽縣又有練江之目至城西北注于汝汝水

又東經城北秦觀曰汝水故道已亡惟存別枝水潦

黃公隄又有岳公隄皆在汝河東岍逶迤五十里廣

四大高倍之水漲時百里內皆蒙其利萬歷中按察

司黃熒邑令岳和聲所築因名水經注汝水又東經懸瓠城北今豫州刺史汝南郡

治即今汝寧府城

城之西北汝水枝別左出西北流

又屈西東轉又西南會汝形若垂鉞灣中有地數頃

上有栗園栗小殊不竝故安之實也然歲貢三百石

以充天府水渚即栗州也

又東南漆水出桐柏山西來注之

汝水又東漆水出桐柏縣桐柏山東流經確山縣南

去縣治又東北經汝陽縣南去縣治八里又東注于汝謂

之漆口方輿紀要云漆水復分流入東南出逕平輿安

入息縣界又東北經新蔡縣之官津店入于汝

水經汝水章又東南過平輿縣南注云漆水出浮石

嶺北青衣山亦謂之青衣水也東南逕朗陵縣故城

西今確山縣西南三應邵曰西南有朗陵山在確山

呼馬葦山縣以氏烏漆水又南屈逕其縣南又東北

逕北宜春縣故城北今汝陽縣西南六十七里又東

北逕馬香城北又東北入汝汝水又東南逕平輿縣

南安成縣故城北二城在汝陽縣東南七十里

又東南得瀝水

汝水又東南經新蔡縣南去縣治十里有官津又東南瀝水與

瀆水別自左注之汝水又東南經息縣東北青陂上

承正陽縣瀆水西來結而為陂陂在新蔡縣西南其

水東南注于汝

水經注汝水又東南陂水首受慎水于慎陽縣故城
南陂陂水兩分一水自陂北遠慎陽城四圍城塹塹
水又自瀆東北流注七陂一水自陂東北流積為同
陂陂水又東北又結而為陂世謂之害陂陂水上承
慎陽縣北陂東北流積而為土陂陂水又東為害陂
陂水又東南流注辟陂陂水又東北為太陂陂水又
東入汝汝水又東南逕平陵亭北又東南逕陽遂鄉
北又東逕櫟亭北春秋之棘櫟也杜預曰汝陰新蔡
縣東北有櫟亭今城在新蔡故城西北城北半淪水

今新蔡縣北二十五里有櫟城俗呼野櫟店

汝水又東南逕新蔡縣故城

南本呂地也汝水又東南左會臆水又東南逕下桑
里左迤為橫塘陂又東北為青陂又東南逕壺邱城
北春秋左傳文公九年楚侵陳克壺邱是也汝水又
東青陂水上承慎水于慎陽縣之上慎陂右溝北注
馬城陂陂西有黃邱亭陂水于東逕新息亭北又東
為網陂陂水又東逕新息縣結為牆陂陂水又東逕
遂鄉東南而為辟陂又東為青陂陂東對大呂亭春
秋外傳曰南有荆蠻申呂姜姓矣西南有小呂亭故
此稱大也漢建寧三年新蔡長河南緱氏李言上請

脩復青陂司徒臣訓尚書臣襲奏可于洛陽宮青陂
東塘南樹碑稱青陂在縣坤地源起桐桐淮川別流
入于潺湲逕新息牆陂衍入襄信界灌溉五百餘頃
陂水又東分為二水一水南入淮一水東南逕白亭
北又東逕吳城南史記楚惠王二年子西召太子建
之子白勝于吳勝入居之故曰吳勝也又東北屈逕
壺邱東而北流注于汝世謂之薄溪水汝水又東逕
襄信縣故城北而東注今息縣東北七

東南入于淮

汝水又東南經阜陽縣南去縣治而南入于淮潁州志云

汝水東北留至桃花店入州界又東至永安廢縣環
地理故城至朱臯鎮入于淮方輿紀要州西南百一
十里財州城又西三十里有永安城武德元年于汝
水北岍置永安縣尋廢其市井猶存州南百一十里
汝水之陽有地理城

水經又東至原鹿縣注云汝水東南逕縣故城西
水經南入于淮注云所謂汝口側水有汝口成汝之
交會也

湛水出魚齒山東南流入于汝

湛水出汝州東南魚齒山山去州治五十里其水東

南流逕葉縣北去縣三十里東南注汝

水經注汝水章湛水出犍縣北魚齒山西北今魯山縣東南

五十里東南流歷魚齒山不為湛浦方五十餘步春有犍城有犍城東南流歷魚齒山不為湛浦方五十餘步春秋楚公子格及晉師戰于湛阪今水北悉枕翼山阜于父城東南湛水之北山有長阪蓋即湛水以名阪故有湛陂之名也湛水又東南逕蒲城北京相璠曰昆陽縣北有蒲城蒲城北有湛水者也今葉縣東湛水又東于汝水九曲北東入汝周禮荊州其漫潁湛鄭玄云未聞蓋偶有不照也

波水出孤山其南源出堯山謂之泚水合為一川東流魯閔水南來注之

波水出魯陽縣西孤山俗呼歇馬嶺其水南流與泚

水合泚水出縣西堯山山去縣治四十里亦曰大龍山東流合于波水已下互受通稱周官經職方氏豫州其侵波澆左氏春秋晉陽處父侵蔡楚子上救蔡與晉師夾泚而軍杜注云泚水出魯陽縣東經襄城定陵入汝水經作泚水泚即泚也波泚之水東流逕魯山縣南魯閔水出南陽縣北七十里分水嶺嶺南之水入于清嶺北則魯閔水出焉東北流逕南迨縣北魯陽閔南去閔七里史記趙惠文王元年趙梁將兵與齊合軍攻韓至魯閔下是也閔控據險要通輿汝州魯山縣後周置三鷓鎮在縣西南十九里亦名平高

城以禦齊齊亦于縣東北十七里置魯城以禦周今
三鴨路自南陽縣北六十里向城而北曰石川一名百重
山為三鴨之第一其北分水嶺而北為第二由向城
而北八十里為魯陽關在南召縣北五十里魯山縣
西南九十里為第三北周建德四年常孝寬陳伐齊
之策一曰廣川義旅出自三鴨廣州治即今魯山縣一曰三鴨
已北萬春已南洛陽宮城正東曰萬春門廣事屯田預為積備魯
關水又東北注于泚
水經泚水出南陽魯陽縣西之堯山注云堯之末孫
劉累以龍食帝孔申孔甲又求之不得累懼而遷于

魯縣立堯祠于西山謂之堯山堯山在太和城東北
泚水出烏歷太和川東逕小和川又東溫泉水注之
水出北山七泉竒發炎熱特甚闕駟曰縣有湯水可
以療疾湯側又有寒泉地勢不殊而炎涼異致雖隆
火盛日爾若冰谷渾流同溪南流注泚水泚水又東
逕胡山東流又會溫泉口水出北山阜炎勢竒毒疴
疾之徙無能澡其衡漂救癢者咸去湯十許步別池
然後可入湯側有石銘云皇女湯可以療萬疾者也
泚水又東房陽川水出南陽雒縣西房陽川北流注
泚泚水之北有積石焉世謂女靈山其山平地介立

不連岡以成高峻石孤峙不託勢以自遠四面壁絕
極能靈舉遠望亭亭狀若單楹插霄矣北向有如頽
落劣得通步澧水又與波水合水出霍陽西川大嶺
東谷俗謂之歇馬嶺川曰廣陽川非也即應邵所謂
孤山波水所出也其水又南逕蠻城下蓋蠻別邑也
波水又南分三川于白亭東而俱南入澧水澧水自
下兼波水之通稱也是故闕駟有東北至定陵入汝
之文澧水又東南逕魯陽縣故城南城即劉累之故
邑也有魯山縣居其陽故因名焉澧水右合魯陽閔
水水出魯陽閔外分頭山橫嶺下夾谷東北出入澧

東北經魚齒山之陽

澧水東南經汝州魚齒山南又東南經葉縣東北
治一又東魯山縣西吳大嶺之水東流經縣南
去縣五里又東經葉縣北
去縣二十里又東南合于泝水又東經
舞陽縣東北又東至襄城縣西入于汝晉杜預鎮襄
陽引澧清之水浸良田萬頃
水經注澧水又東北牛蘭水發縣北牛蘭山東南逕
魯陽城東又東南柏樹溪水出魯山北峡谷中東南
流逕魯山西而南合牛蘭水又東南逕魯山南南注
于澧澧水東逕應城南
城在魯陽縣東三十里彭水注之俗謂

之小澧水出魯陽縣南彭山蟻塢東麓山在魯陽縣東南二十里

北流逕彭山西又東北流直應城南而入澧澧水又

左合橋水水出魯陽縣北恃山東南逕應山北又南

逕應城西謂之應水澧水又東逕犍縣故城北出于

魚齒山下春秋襄公十八年楚伐鄭次于魚陵涉于

魚齒之下所涉即澧水也又東犍水注之水有二源

東源出其縣西南踐犢山東唯下水方五十許步不

測其深東北流逕犍縣南又東北屈逕其縣東而北

合西源水西源出縣西南頗山北阜下東北逕犍城

西又屈逕其縣北東合右水亂流北注于澧澧水又

東南逕昆陽縣故城北

水經東北過潁川定陵縣西北又東過郾縣南東入

于汝注云澧水東逕西不美亭南亭北背汝水于定

陵城北東入汝郾縣在南不得過

澧水首受汝東北流枝渠左別為大澧水東注潁

潁水自葉縣東北別于汝東北流枝津左出為大澧

水東流經郾城縣南又東經商水縣北又東流二十

里注于潁

水經注汝水篇汝水東南逕奇頌城西北澧水出焉

世謂之大澧水爾雅汝有澧然則澧者汝別也故其

下夾水之色猶流汝陽之名

滄水章汝水于奇頡城西別東派時人謂之滄水東

北流枝瀆右出世人謂之死汝也別汝又東北逕召

陵城北城在郟城縣東四十五里練溝出焉汝水又東汾溝出焉

別汝又東逕征羗城北城在郟城縣東南水南有汾陂俗音

糞汾水自別汝東注而為此陂水積征羗城北四五

里方三十里許瀆左合小滄水水上承狼陂南流名

曰鞏水青陵陂水自陂東注之東迴又謂之小滄水

而南注于大滄水大滄水取稱蓋藉滄汾注而總受

其目矣又東逕西華縣故城南又東逕汝陽縣故城

城在今商水縣西北東注于潁

又東北岐而二左瀆東流注潁

瀆水自枝津又東北分為二瀆左瀆東南經郟城縣

南又東經商水縣南又東南經項城縣西又東南經

新蔡縣北又東經阜陽縣西北注于潁

水經注潁水章汝水枝津上承汝水別瀆于奇頡城

東三十里東南逕召陵縣故城南春秋左傳齊桓公

師于召陵即此處也城內有大井徑數丈水至清深

又東南逕征羗縣故召陵縣之安陵鄉安陵亭也建

武十一年以封中郎將來歛歛以征定西羗功故更

名征羗汝水別瀆又東逕公路臺北臺臨水方百步
表術所築汝水別溝又東逕西門城即南利也城北
三十里有熟城號曰北利故瀆出于二利之間間闕
汝陽之縣世名之死汝縣取水名故曰汝陽又東逕
南頓縣故城水即今商又東南逕鮑陽城北城在今新
里又東逕泚鄉城北又東逕固始縣故城北今為沈
地理志縣故寢也寢邱在南在縣南別汝又東逕蔡
岡北在上蔡縣又東北逕胡城南城在阜陽縣而東
歷汝陰縣故城西北即今潁州府東入潁水
右瀆東南流謂之瀆水注于汝

瀆水右瀆東南為練溝經郟城縣南又東南經西平

縣東縣北十五里葦陂之水東流注之俗呼周又東

南經上蔡縣東又東南經汝陽縣東北去縣治十里

為瀆水又東經新蔡縣北去縣治又東南注于汝

水經注汝水章瀆水上承汝水別流于竒頡城東東

南流為練溝逕召陵縣西東南流注至上蔡西岡北

為黃陵陂陂東流于上蔡岡東為蔡塘又東逕平輿

縣故城南為瀆水縣舊沈國也有沈亭本汝南郡治

瀆水又東南左逕為葛陂在新蔡縣西北明一統志

陂蓋二陂方數十里陂水東出為鮑水俗謂之三丈

陂亦曰三巖水水逕鮦陽縣故城南鮦陂東注為富
水水積之處謂之陂塘津渠交絡枝布川隰矣澆水
自葛陂東南逕新蔡縣故城東而東南注于汝
潁水出陽乾山東經箕山之陰

潁水出登封縣東陽乾山山去縣二十五里外方少

室之水皆流合焉漢志潁川郡密高武帝置以奉太

室山是為中岳古文以密高為外方也即古曰密陽

城陽乾山潁水所出東至下蔡入淮過郡三潁川淮

行千五百里密高即今登封陽城故縣在東相去二

十八里太室山在登封縣北十里有外方密高之目

少室山在縣西十七里潁水控引山溪東經箕山北

山在縣東南三十里有崤阪關東出陽翟許昌之道

其山亦呼崤嶺

水經潁水出潁川陽城縣西北少室山注云潁水有

三源竒發右水出陽乾山之潁谷春秋潁考叔為其

封人其水東北流中水導源少室通阜東南流逕負

黍亭東春秋定公六年鄭伐馮滑負黍者也馮敬通

顯志賦曰求善卷之所在遇許由于負黍京相璠曰

負黍在潁川陽城縣西北二十七里世謂之黃城也

亦或謂是水為澠水東與右水合左水出少室南溪

東合潁水

水經東南過其縣南注云潁水又東五渡水導源崇
高縣東北太室山東溪春夏雨泛水自山頂迭相灌
澗崕流相承為二十八浦陽旱輟津石潭不耗山下
大澤周數里而清深肅潔水中有立石萬十餘丈廣
二十許步上甚平整其水東南流逕陽城西石溜紫
委溯者五涉故亦謂之五渡水東南流入潁五渡水
在登封
縣東北十五里方輿紀要少陽河在縣西南十五里
源出少室山入潁縣西北八里又有雙溪水源出嵩
山麓亦南潁水逕其縣故城南周八以土圭測日景
處縣南對山山上有許由冢潁水逕其北東與龍淵

水合其水導源龍淵東南流逕陽城北又東南入于

潁

又東京禹山之陰

潁水又東經禹州北有禹山在州城北潁水之南
水經注潁水又東平洛溪水發玉女臺下平洛澗呂
忱所謂勺水出陽城山蓋斯水也又東南注于潁潁
水又東出陽城關歷康城南城在禹州西
北三十里夏少康故
邑也

水經又東南過陽翟縣北注云潁水東南流逕陽關
聚夾水相對俗謂之東西二土城也潁水又逕上棘

城州南又屈迳其城南春秋左傳襄公十八年

楚師伐鄭城上棘以涉潁者也縣西有故堰舊過潁

水枝流所出也其故瀆東南迳三封山北山在禹州西南二十

里今無水渠中有泉流出時人謂之竭水東迳三封

山東東南歷大陵西連山亦曰啟筮亭即鈞臺也禹在

州城北春秋左傳曰夏有鈞臺之饗是也其水又東

南流水積為陂陂方十里俗謂之臺陂又西南流迳

夏亭城西又屈而南為却之摩陂潁水自竭東迳陽

翟故城北州今禹夏禹始封于此為夏國故武王至周

曰吾其有夏之居乎遂營洛邑徐廣曰河南陽城陽

翟則夏地也春秋鄭伯突入于櫟服虔曰檀伯鄭守

櫟大夫櫟鄭之大都宋忠曰今陽翟曰周末韓景侯

自新鄭徙都之王隱曰翟本櫟也故潁川郡治也

又東南潁水出大騮山北來注之

潁水又東南經襄城縣北有潁橋鎮去縣治十五里

俗呼潁水又東南經許州西去州治又東南臨潁縣

北潁水出新鄭縣西南大騮山山去縣治四十里國

語所謂主芣騮而食溱洧者也漢志河南郡密故國

有大騮山潁水所出南至臨潁入潁故密城在今密

縣東南三十里地相接也其水東南流經縣南陸山

北山去縣三十里又南經長葛縣西又東南經許州
北去州治又東南為陂曰東湖西去州治二十五里
多菱茨魚蝦之利又東南經臨潁縣北而東南注于

潁

水經又東南過潁陽縣西又東南過潁陰縣西南注
云應邵曰縣在潁水之陽故邑氏之潁水又南逕潁

鄉城西潁陰縣故城在東北舊許昌典農都尉治也

在禹州東潁水又東南逕柏祠曲東歷岡邱城南

南四十里潁水又東南逕柏祠曲東歷岡邱城南

北故縣在西北三十里曲蟲之繁陽亭也潁水又東南流

逕青陵亭城北北對青陵陂陂縱廣二十里潁水逕

其北枝入為陂陂西則灑水注之水出襄縣之邑

城下東流注于陂陂水又東入臨潁縣之狼陂潁水

又東南而歷臨潁縣也

水經又東南過臨潁縣南又東南過汝南滎強縣北

洧水從河南密縣東流注之注云臨潁舊縣也

縣西北潁水自縣西小隱水出潁水又東南逕澤城

北即古城臯亭郡國志臨潁臯東南長五十里名曰

龍牌沃壤可居即今臨潁縣治也宋白曰隋大業四

年移縣理臨潁臯寔岡阜也杜預曰繁昌縣東南有

亭春秋公及諸侯盟于臯臯者也臯澤字相似名

與字乖耳潁水又東逕滎陽城南滎強城在東北潁水不得逕其北也許州西南有滎強城潁水又東南潁水入焉非洧水也

水經潁水出河南密縣大騮山注云大騮即具茨山也潁水出其阿而流為陂俗謂之玉女池東逕陘山北史記魏襄王六年敗楚于陘者也山上有鄭祭仲冢冢西有子產墓墳東有廟竝東北向鄭城祭廟舊有一枯柏樹其塵根故株之上多生稚柏列秀青青望之竒可佳矣潁水又東南逕長社故城西北城在縣西南濮北濮二水出焉見洧水潁水又南逕鍾亭西

又南逕皇帝

此處有脫誤

又東南逕閑亭西又東南逕宛

亭西鄭大夫宛射之故邑也潁水又南分二水一水

南出逕胡城東故潁陰之狐人亭也其水南結為陵

謂之胡城陂潁水自枝渠東逕曲強東皇陂水注之

水出西北皇臺七女岡北皇陂即古長社之濁澤也

許州西其陂水北對雞鳴城在尉氏縣西南三十里即長社縣之

濁城也陂水東南流逕胡泉城北故潁陰縣之狐宗

鄉也又東合狐城陂水水上承陂水而東南流注于

黃水謂之合作口而東逕曲強城北東流入潁水潁

水又東逕武亭間兩城相對疑是古之岑門史遷所

謂走犀首于岑門者也徐廣曰潁陰有岑亭未知是
否潁水又南逕射大城東即鄭公孫射大也蓋俗謬
耳潁水又南逕潁陰縣故城西又東逕許昌城南城在
許州東三十里又東南與宣梁陂水合陂上承狼陂于潁陰
城西南陂南北二十里東西十里春秋左傳楚公子
伐鄭師于狼淵是也其水東南入許昌縣逕巨陵城
北鄭地也京相璠曰潁川臨潁縣東北二十五里有
古巨陵亭古大陵也在今臨潁縣北三十里其水又東積而為
陂謂之宣梁陂也陂水又東南入潁水潁水又西南
流逕陶城西又東南逕陶陂東

水經東南入于潁

東南得洧川

潁水又東南經西華縣城北又東南洧水注之

水經潁水章又東過西華縣北注云縣北有習陽城
潁水經其南經所謂洧水流注之也

又東南百尺溝首受沙水北來注之

潁水又東南經高水縣北去縣治三十里陳州南去州治十五里百

尺溝于州城東南受沙水別而東南流谷水自城西
陂澤東流經城南注之又東南入于潁

水經又南過汝陽縣北注云縣故城南有汝水枝流

故縣得厥稱矣闕駟曰本汝別流其後枯竭號曰死

汝水潁水又東大滍水注之又東南逕博陽縣城東

城在南頓縣北四十里在今商水縣東北四十里

水經又東南過南頓縣北滍水從西來注之注云滍

水于樂嘉縣入潁博陽王莽更多樂嘉不至于頓頓故頓于國

也即今商水縣治周之同姓潁水又東南逕陳縣南今陳州又

東南左會交口者也

水經又東南至新陽縣北蕞蕩渠水從西北來注之

注云經云蕞蕩渠者百尺溝之別名也南合交口新

溝自是東出潁上有堰謂之新陽堰新溝自潁北東

出縣在水北應邵曰縣在新水之陽今縣故城在東

明潁水不出其北蓋經誤耳

水經注渠水章沙水南屈逕陳城東謂之百尺溝又

南分為二水沙水出焉溝水東南流谷水注之水源

上承滂陂陂在陳城西北南暨華城皆為陂矣陂水

東流謂之谷水東逕滂城北王隱曰北有谷水是也

滂即檉矣經書公會齊宋于檉者也杜預曰檉即滂

也在陳縣西北為北檉小城也在陳郡西南華城在滂城南

谷水又東流逕陳城南又東流入于沙沙水又東南

流注于潁謂之交口水次有大堰即古百尺堰也蓋

新水首受潁于百尺溝故堰兼有新陽之名

東南入于淮

潁水又東南經項城縣東又東南經沈邱縣東北縣

治五又東南經阜陽縣西北迤為陂澤曰西湖長十

里廣二里又東經城北又東經留陵驛去縣治六十

里又東南經潁上縣西北江口驛去縣治五十里為

水陸衝要又東南經城東又東南至正陽鎮入于淮

水經注潁水自東堰南流逕項縣故城北故城在今

北六又東右合谷水水上承平鄉諸陂東北逕南頓

縣故城南側城東注今其城在頓南三十里又東逕

項城中楚襄所郭以為別都都內西南小城項縣故

城也舊潁州治谷水逕小城北又東逕刺史賈陸祠

北祠在小城東又東流出城東注潁潁水東側潁有公路

城潁水又東逕臨潁城北城臨水闕南面又東逕雲

陽二城間南北翼水又東北逕邱頭邱頭南枕水魏

書郡國志曰宣王軍次邱頭王凌面縛水次故號武

邱矣潁水又東南于故城北細水注之水上承陽都

陂沙水所積為陂陂水枝分東南出為細水東逕新陽縣故

城北又東南逕宋公縣故城北城在秦和縣西四十

秦伐魏取鄆邱為是邑矣漢成帝綏和元年詔封殷

後于沛以存三統平帝元始四年改曰宋公章帝建
初四年徙邑于此故號新郟為宋公國也細水又南
逕細陽縣故城在阜陽縣西北四十里新溝注之溝首受交口東
北逕新陽縣故城南今無水故渠舊道而已東入澤
渚而散流入細細水又東南逕細陽縣故城南又東
南積而為陂謂之次塘公私引裂以供田溉又東南
流屈而西南入潁潁水又東南流逕胡城東故胡子
國也在阜陽縣西北二里又東南汝水枝津注之又東逕汝陰
縣故城北城西有一城故陶邱也
水經又東南至慎縣東南入于淮注云潁水東南流

左合上吳百尺二水俱承次塘細陂南流注于潁潁
水又東南江陂水注之水受大滌陂陂水南流積為
江陂南逕慎城西城在潁上縣西北側城南流入于潁潁水
又逕慎縣故城南縣在潁上故楚邑潁水又東南逕蜩螗郭
東俗謂之鄭城在潁上縣南宋白曰南北朝畫淮為
縣南故鄭城置潁上閔防莫謹于此隋大業三年于今
唐武德初移于今治方輿紀要云潁水舊城在今縣
北十二里臨沙河今移之城矣又東南入于淮春秋
楚子次于州來次于潁尾蓋潁之會淮也

洧水出陽城山東得溱水
洧水出登封縣北陽城山山去縣治三十八里左氏

春秋司馬侯曰四嶽三塗陽城太室九州之險也亦曰馬領山其水東流經密縣南去縣治十五里又東溱水自

左注之俗呼雙泊河

水經洧水出河南密縣西南馬領山注云水出上下亦言出潁川陽城山山在陽城縣之東北蓋馬領之統自為洧水東南流迤一故臺南俗謂之陽子臺又東逕馬領塢北在山上塢下泉流北注亦謂洧別源也而入于洧水洧水東流綏水會焉水出方山綏溪即山海經所謂浮戲之山也東南流迤上郭亭南注洧洧水又東襄荷水出北山子節溪東南注于洧洧

水又東會澀滴泉水出深溪之側泉流丈餘懸水散注南流入洧

水經東南過其縣南注云洧水又東流南與承雲二水合俱出承雲山二源雙導東南流注于洧世謂之東西承雲水洧水又東微水出微山東北流入于洧洧水又東逕密縣故城南城在今縣東南三十里春秋謂新城洧水又左會璵泉水水出王亭西北流注于洧洧水又東南馬閑水出王亭下東北流歷馬閑又東北注于洧洧水又東武定水北武定岡西南流又而東南逕鳥塢西側塢東南流塢側有水懸流赴壑一匹有

餘直注澗下淪積成淵東南流入于洧洧水又東虎
牘山水發南山虎牘溪東北流入洧洧水又東南赤
澗水出武定岡東南流逕皇臺岡下又歷岡東東南
流注于洧洧水又東南流漕水注之

又東南得黃水

洧水又東南經陰阪之北其地在新鄭縣西又東經
縣南又東南黃水自左注之

水經注洧水又東南逕鄆城南

城在密縣東北五十里

劉禎云

鄆在豫州外方之北北鄰于魏徐曰鄆在密縣妘姓
矣不得在外方之北也洧水又東逕陰阪北水有梁

為俗謂是濟為參辰口左傳晉師伐鄭濟于陰阪次

于陰口而還是也

在新鄭縣西

水經又東過鄭縣南漕水從西北來注之注云洧水

又東逕新鄭故城中

城在今新鄭縣西北

又東為洧淵水今洧

水自鄭城西北入而東南流逕鄭城南又東與黃水
合經所漕水非也

東南入于潁

洧水又東經長葛縣北

去縣治三里

又東南經洧川縣南

又東南經鄆陵縣南又東南經扶溝縣西又東南經
西華縣東入于潁漢志潁川郡陽城陽城山洧水所

出東南至長平入潁過郡三行五百里長平故城在
今西華縣東南十八里

水經又東南過長社縣北注云洧水東南流南濮北

濮二水入焉首受濮水川渠雙引俱東注洧洧水又東南龍淵水出

長社縣西北有故溝上承洧水水盛則通注龍淵水

滅則津渠輟流其瀆中澁泉南注東轉為淵淥水平

潭清潔澄深俯視游魚類若乘空矣又東逕長社縣

故城北鄭之長葛邑也魏潁川郡治稱諸故說縣無

龍淵水名蓋出近世京相璠曰春秋土地名曰長社

北界有稟水是水導源隍塹中非北界之所謂又按

京社地名竝云長社縣北有長葛鄉斯乃縣徙于南

矣然則是水即稟水也其水又東南逕棘城北左傳

所謂次于棘澤者也稟水又東左注洧水洧水又東

分為二水其枝水東南流注沙一水東逕許昌縣故

許國也在許州東三十里又東入汶倉城內俗以是水為汶

水故有汶倉之名非也蓋洧水之邸閣耳洧語洧

水又東逕陰陵縣故城南李奇曰六國為安陵也今

陰陵縣西北十五里有安陵城洧水又東隱陵陂水出隱陵南陂東

西南流注于洧

水經又東南過新汲縣東北注云洧水自隱陵東逕

桐邱南屈而南流又東南迆桐邱城在扶溝縣西二十里京相

璠曰西南去許昌故城可三十五里其城南即長隄

洧水之北防也又東迆新汲縣故城北城在洧水南

隄上方輿紀要新汲城在洧川縣南又東洧水右迆

為獲陂洧水又迆匡城南扶溝之匡亭也方輿紀要匡亭在洧

川縣東北亦于水流之次不協又東洧水右迆謂之大穴口

水經又東南過茅城邑之東北注云洧水自穴口東

南迆洧陽城西南迆茅城東北又南左合庚溝溝上

承洧水于大穴口東北枝分東迆洧陽故城南又東

南為鴨陂陂廣十五里餘陂南入甲庚溝西注又東北

瀉沙洧水又南迆一故城西世謂之思鄉城西去洧

水十五里洧水又右合獲陂水上承洧水于新汲縣

南迆新汲縣故城東又南積而為陂陂之西北即長

舍城陂水東翼洧隄西面茅邑自城北門列築隄道

迄于此岡世尚謂之茅岡即今所謂茅邑地也陂水

北出東入洧津西納北異流

水經又東過習陽城西折入于潁注云洧水又東南

迆辰亭東京相璠曰潁川長平有故辰亭杜預曰長

平縣東南有辰亭今此城在長平城西北長平城在

東南長平東南淋陂北畔有一阜東西減里南北五

六十三

五十許步俗謂之新亭臺又疑是社氏所謂辰亭而未之詳也洧水又南逕長平縣故城西又南分為二水枝水東出謂之五梁溝逕習陽城北又東逕赭邱南邱上有故城又東逕平城南東注滂波洧水南出謂之雞籠水故水會有籠口之名矣洧水又東逕習

陽城西西南折入潁

溱水出鄆虛之西北東南流注于洧

溱說文作漕

溱水出密縣東北東南流經鄆城西又南注于洧

水經漕水出鄭縣西北平地注云漕水出鄆城西北

雞絡塢下東南流逕賈復城西東南流左合澗水水

出賈復城東南流注于漕水又南左會承雲山水水

出西北承雲山東南歷渾于岡東注世謂岡峽為五

鳴口東南流注于漕漕水又東南流歷下田川逕鄆

城西謂之為柳泉水也又南懸流奔壑崩注文餘其

下積水成潭廣四十許步淵深難測又南注于洧詩

所溱與洧者也

水經東過其縣北又東南過其縣東又南入于洧水


注云自鄆漕東南更無別瀆不得逕新鄭而會洧也

鄭城東入洧者黃涯水也蓋經誤證耳

黃水出鄭虛之西北東南注于洧

黃水出新鄭縣西大山一名自然山去縣治二十五里
東南流經華城西又東南經鄭城東又東南經燭城
西而南注于洧

水經注黃水出大山南黃泉東南流逕華城西史伯
謂鄭桓公曰華君之土也常昭曰華國名矣黃水東
南流與上水合水出兩塘中一源兩分泉流派別東
為七虎澗水西流即是水也其水西南注于黃水黃
即春秋所謂黃崖也又東南流水側有二臺謂之積
粟臺臺東即二水之會也捕章山水西流注于黃水
黃水又南至鄭城北東轉于城之東北與黃溝合水
出捕章山東南流至鄭城東北入黃水黃水又東南
逕龍淵泉東南七里溝水注之水出隙侯亭東南平
地東注又屈而南流逕升城東又東南歷燭城西即
鄭大夫燭之武邑也又南流注于洧



程